

წელიწადი პირველი.

ფასი 20 კ.

№ 2

განთიადი



აქაკ

ორკუირული
სამეცნიერო, სალიტერატურო
და საზოლიტიკო ჟურნალი.

უიხაარსი.

1. მგოსან აკაკის ავთმოფობის გამო—ისო-სი
2. ბრძოლის ველათ—ია ეკალაძე-სი.
3. ბრწყინვალე მომავლისაკენ—ივ. ი-ანი-ს.
4. საყოველთაო გეგმა—ნიკო ნიკოლაძის.
5. მოგზაურობა რაჭა-ლეჩხუმში—ამბერის.
6. კრიტიკა—ხომლელის.
7. შწიგნობრობის თანამგზავრი —ის. კვიცარიძე
8. ბედისწერა—გ. ტაბიძის.
9. ახლო აღმოსავლეთი—გულაკეთლის.
10. ამის მატინაე.
11. ჟურნალ-გაზეთების ტაციობა ქუთაისის თფილისში—რედაქციისგან.

15 იანვარი 1915

ქუთაისის სააქონალი
„მედიკალი-გაზეთების სააქონალი“
„მედიკალი“
ქუთაისში

№ 2.

ქუთაისი

სტამბა „ქობა“ ქარვასლის ქუჩა, სახლი ჩარეკოვისა.

1915

მიიღება 1915 წ. ზირველ იანვრიდან ხელის მოწერა საქონიერო, სა-
ლიტერატურო და საპოლიტიკო ქურსნალ

„გ ა ნ თ ი ა ლ“-ზე,

რომელიც გამოვა ორკვირაში ერთხელ ხომლელის ხელმძღვანე-
ლობით.

წლიურათ ჟურნალი ეღირება 4 მან. 60 კაპ., ნახევარი წლით 2 მან. 30 კაპ.,
სამი თვით 1 მან. 15 კაპ., თვიურათ 50 კაპ., თითო ნუმერი აბაზათ.

წლიურ ხელის მომწერლებს ფულის გადახდა ნაწილ-ნაწილათაც შეუძლიათ. ხე-
ლის მოწერისას 2 მან. 60 კაპ., პირველ აპრილს—1 მან. და პირველ ივ-
ნისს—1 მან.

ქუთაისში ხელის მოწერა შეიძლება ისიღორე კვიცარიძესთან, თომა მთავრიშვილ-
თან და ძმ. ოცხელების წიგნის მაღაზიაში, თფილისში წ. კ. გ. საზოგ. მდივანთან,
ბაქოში, ქართული სკოლის გამგე მეთოდე კაკაბაძესთან, ფოთში კოწია გამყრე
ლიძესთან, ბათომში სოსიკო მდივანთან, სოხუმში ანთიმოზ ჯუღელთან და კავ-
კავში თ. იასონ მერაბისძე ლორთქიფანიძესთან.

ფული უნდა გამოიგზავნოს ამ მისამართით: Гор. Кутаисъ. Роману Спиридо-
новичу Панихава.

მიიღება ხელის მოწერა 1915 წლისათვის.

საპოლიტიკო და სალიტერატურო გაზეთ

„თ ე მ“-ზე

გ ა მ ო დ ი ს ო რ შ ა ბ ა თ ო ბ ი თ

წ ე ლ ა წ ა დ ი მ ე ხ ყ თ ე .

გაზეთის ფასი: წლიურათ 2 მ. 50 კ. ნახევარი წლით 1 მ. 25 კ.

სახლვარ-გარეთ ორჯერ მეტი.

მისამართი. ოლგას ქ., სახლი დიასამიძის, № 4.

1915 წლას 6 იანვრიდან ქ. ქუთაისში გამოდის ყოველდღიური საპოლიტიკო და
სალიტერატურო გაზეთ

„ი მ ე რ ე თ“-ზე

რომელიც აქამდე სასამართლოს დადგენილებით შეჩერებული იყო.

გაზეთი ღირს: წ. 7 მ., 1/2 წ. 4 მ., 3 თვ. 2 მ., 10 შ., 1 თვ. 4 აბაზი. ცალ-
კე ნუმერი 1 შაური.

მისამართი: ქუთაისი, „იმერეთი“-ს რედაქცია, სახლი პ. ი. გოკიელისა.

განთიადი № 2.

ჟურნალის ფასია: ქუთაისში წლით 4 მ.,
ნახევარი წლით 2 მ., სამი თვით 1 მ. თვიურა-
რათ 40 კ. ქუთაისის გარეთ წლიურათ 4 მ. 60
კ., ნახევარი წლით 2 მ. 30 კ., სამი თვით
1 მ. 15 კ., თვიურათ 50 კ., რედაქციის მი-
სამართაო: Кутаись, Редакция „Галტიადი“

ორგვეირული საპოლიტიკო, სალიტერატურო და სამეცნიერო ჟურნალი.

№ 2

15 ი ა ნ ვ ა რ ი

1915 წელი.



მგოსან აკაკის ავამყოფობის გამო.

მეცხრამეტე საუკუნის ჩვენი დიდებული მგოსანი აკაკის თავის სამშობლო სოფელ საჩხერეში მძიმე ავამყოფობამ მთელ ქართველობაში მსწრაფი შეკითხვები გამოიწვია. ყველა კითხულობს: ნეტა, როგორაა ჩვენი საყვარელი მგოსანი აკაკიო? ამას კითხულობენ დეპეშებით, წერილებით: მნახველების პირით, ქუჩაში და ბინაზე, სალონებსა და ქოხებში. კითხულობენო არა თუ საქართველოს სხვადასხვა კუთხიდან, შორეულ, უცხო ქვეყნებიდანაც კი. მის ოჯახში აუარებელი მნახველი დადის და ტყობულობს მის ავსა და კარგს. წერილებით და დეპეშებით ხომ კიდევ მეტი ყურათღებაა მიპურობილი დ. საჩხერისკენ მისი დიდებული შვილის ამბების შესატყობათ.

და მართლაც, ასეთი და მეტის ყურათღების ღირსიც არის ერთი უზუტესი ბურჯთაგანი საქართველოს კულტურულ დიდებისა, 60-იან

წლების ერთი თვალსაჩინო მაგიკნთაგანი, რომლის თვალ-წინაც გაიარა საქართველოს ერთი საუკუნის ბედ იღბალმა და მისი კულტურული პოლიტიკური (ხოვრების სიავ-კარგემ).

აკაკი ჩვენი ცხოვრების ბევრი სიღუბურის მომსწრეა, მას ბევრი რამ საგულისხმო თავს გადახდია, მის გონებაში მეცხრამეტე საუკუნის ქართველების გენიას, უხვათ თავი მოუყრია, მარა ფართოთ და თავისუფლათ ვერ გაფურჩქნია ჩვენს მწერლობაში, ყოველ მხრივ შემბორკველ პირობების გამო.

ამიტომ ეს დიდბუნებოვანი ადამიანი უფრო მეტი პატივის დიდების ღირსი იყო და არის, ვინემ მას ამ უკანასკნელ ხანებში წილათ ხვთა და მით გულდაკოდილი „სულის მარტოობას“ განიცდიდა და განიცდის...

გარდა მძიმე ავამყოფობისა აკაკისადმი დღინდელი ყურათღება გააორკვეცა „ახალი“ აზრისათვის“ დეპუტატ აკაკი ჩხენკელის სახელით გაგზავნილმა დეპეშამ, რომლითაც

უცნობი ავტორი აფრთხილებს ქართველ საზოგადოებას, რომ მგოსნის ხელნაწერებს და საჭირო დოკუმენტებს დრო-ანათ მოუთარონ და უპატრონონო.*)

ამ დებეშამ დიდი მითქმა-მოთქმა გამოიწვია თფილისსა და ქუთაისში და გამგზავნელს გაფაციცებით დაეძებენ. წერა-კითხვის სამართველოს უმთავრეს გამგეობას თფილისიდან თავის გამგეობის წევრი ნინო ნაკაშიძე გამოუგზავნია ქუთაისის განყოფილებაში ამ საქმის შესახებ ზომების მისაღებათ.

გამგეობამ რამდენიმე ინტელიგენციის თანდასწრებით მოილაპარაკა და ჯერჯერობით შემდეგი დადგენილება მიიღო: 1. ეთხოვოს იმ პირთ, რომელთაც მიბარებული აქვთ აკაკის ნაწერები და საბუთები და აგრეთვე ანდერძის შესრულება, რომ ეს საბუთები მტკიცეთ იქმნას დაცული შენახულ ალაგს.

2. აირჩიეს სამი კაცისაგან შემდგარი კომიტეტი (იაკობ ფანცხავა, სილოვან ხუნდაძე და გრიგოლ გველესიანი), რომელიც იზრუნებს ავთამყოფ მგოსნის ნივთიერ დახმარებაზე. მან უნდა იშვამდგომლოს ქუთაისის სააზნაურო ბანკის წინაშე, რომ მისცეს აკაკის დანიშნული პენსიიდან (2000 მან.) დარჩენილი ხვიდრი ფული ამ წლისა

1) ამ დებეშის ავტორობა და გავზავნაც იმავე გახეთ „ახ-აზრში“ № 118-ში უარყო ბ. ჩხენკელმა. *ავტორი.

3. იმავე კომიტეტმა უნდა იშვამდგომლოს თფილისის თავად აზნაურობის წინაშე, რომ იმათაც აღმოუჩინონ ავთამყოფს ნივთიერი დახმარება და ამაზე ზრუნვა თფილისში მიენდო „თემი“ — სრედაქტორს გრიგოლ დიასამიძეს, რომელიც იმ თავიდან სხვებზე უფრო დაახლოვებულია მგოსანთან და გული შესტკია მასზე.

4. აკაკის ავთამყოფობაზე მზრუნავ კომიტეტის სახელით და მისი მინდობილობით დავვალა დროებით საჩხერეში მყოფ მკურნალ კახიანს სამკურნალო დახმარება გაუწიოს ავთამყოფს იქაურ მკურნალ სიმონ ჯაფარიძესთან ერთათ და მისი ბიულეტენები ატყობინოს ხოლმე ყოველ დღე ქუთაისის და თფილისის რედაქციებს.

5. აკაკის ნივთიერთ დახმარებისთვის იმავე კომიტეტს მიენდო გამოცეს მისი ახლათ დაწერილი პოემა „ომი“, რომელსაც დასტამბავენ წერა კითხვის საზოგადოების სახელით, ხოლო შემოსავალი, ხარჯებს გარდა, გადაეცემა აკაკის წიგნი დაისტამბება წ. კ. საზოგადოების ქუთაისის განყოფილების სტამბაში. და უეჭველია, ყოველი წერა-კითხვის მკოდნე ქართველი სიამოვნებით შეიძენს ავთამყოფ მგოსნის ახალ პოეტურ ნაწარმოებს განზარახულის მიხნის შესასრულებლათ... ისო.

გრგოლის ველათ.

(ესკიზი ლექსათ)

ძღვნათ ვანო მკიტაშვილს.

... შეემა ნისლეშმა დაფარეს
სამშობლოს მთები ბალღები
ვაშკაცნი ოშში გარეკეს,
სოფლათ და დარჩენ ძალღები
და ქალ-ძღღებისა ამარა
მტირალა ძუძუს ბალღები...

ომშია მელანოს შვილიც
შუახნის გლეხი-ომარა,
კავკაეებს სადარაჯოზე,
წამოუჩხია ტომარა.
ათი დღე არის მტერს ელის:
აღარ გამოჩდა ტიალი!
მობეზრდა მტრისა-ლოდინი,
ამდენი გულის ტრიალი.

— ბათალმანო! სადა ხარ?
გამოჩდი, დამენახო,
ხანჯლის წვერზედა ავაგო,
ჩემი მარჯვენაც ნახეო!..
მაგრამ... რა მტერი, რის მტერი,
რაი გვაქეს გასაყოფელი,
ისედაც შხამით სავსეა
წყეული წუთი სოფელი!..
ღმერთო და წმინდა გივარგი,
რისთვის ჩავყარე ცეცხლშია,
სახრის მაგივრათ რათა მაქეს
ვერანა თოფი ხელშია?
ან აქ რა მინდა, რათ ვკვდები
ქართველი — უკხო მხარეში,
ამბობენ ყიზილბაშებმა
ჩვენშაც დაიწვეს თარეში.

არვიცი... არა მესმის-რა,
 აღბათ ვარ ტიკი —ტომარა!
 სად გერმანელი და სად მე
 მელანოს ბიკი—ომარა!...
 ნეტა კი ახლა შინა მქნა,
 ჩემ სოფელ დოღლაურშია,
 მაჩვენა ჩემი სახლ-კარი,
 შემეპყრეტინა გომშია.
 ვაჰმე, თუ ჩემი ბოსელი
 გაყინულ განათოშია,
 ავთ მყავს ჩემი ნიკორა,
 აღარა ყოფნის როშია.
 ან ჩემი ფარნა—მოზვერი,
 შვილივით რომ მყავს გაზდილი,
 ნეტა, თუ მორჩა... ქიტესამ
 ზურგში დამირტყა მარგილი.
 მაკალე, ძია ქიტესავ,
 თუ კი დავბრუნდი მშვიდობით,
 განანებ ავკაცობასა,
 აღარ დაგინდობ დიდობით!
 ი დედაკაცი რაღას იქს,
 ნეტა, თუ მოვაგონდები?
 ნეტა, თუ იცის, რომ მისთვის
 შორს წამოსული ვლონდები?
 ი ჩემი ბიკი—ხუჭუჭა,
 იქნებ ტიტველა ტანტალებს
 და დედაჩემი—მელანო—
 თავისებურათ ტატანებს.
 ი ჩემი სხნის-საკვეთი,
 ნეტავი, დამხედეს სახლშია
 და არ წაეღოს სომეხსა
 პაპა ბერუას ვალშია.
 ღმერთო მაღალო, მომხედე
 მაკმარე ტანჯვა —წვალება,
 მაგრმ... უბედო თვის წერას,
 ან კი სად დაემალება?...“
 ფიქრობს და ღელავს მებრძოლი,
 ჯავრი აწვება გულზედა,
 ბნელი ფიქრების მორავი
 უმატებს წყლულსა-წყლულზედა.
 თოფზე დაეყრდნო იდაყვით,
 თავი ჩაიდო ხელშია,
 ბობოქრობს, თან გულს იმაგრებს,

იცის, რომ განსაცდელშია...
 სამი ღამეა ძილს იფრთხობს,
 ნაყრიც არ მიკარებია.
 ფხიზლობს და ფხიზლობს გუშაგი,
 ავდარიც უღარებია,
 მარა მოდუნდა ვაშკაცი,
 არ შველის თავის მხილება,
 ღონე მიხდილსა მეომარს
 ზეზელას ჩაეძინება.

სიზმარში ხედავს ტყე ველებს
 თავის სამშობლო მხრისასა...
 შინ არის... ცოლშვილს უამბობს
 დამარცხებასა მტრისასა...
 თავის საყვარელ გოგონას
 დალაღებს უშლის თმისასა...
 აგერა, პაპა ბერუა
 ხელზე იბერტყავს ქისასა.
 —ბაბუა, ჩემო ბაბუა,
 თამაქო გამოგელია?
 ბიკი გაგზავნე ბაზარში,
 ნახოს ხახამი ელია,
 ნისიას ერთი ორათ სწერს,
 როდია ქკუა თხელია!
 — შენ რაღას დაბუღარაობ,
 ნენავ, ბებერო მელანო,
 გეყოს მაგდენი ფუსფუსი...
 მიეშველევი, ჯერანო!*)
 გოგოვ, შავ-ოვალავ, მომხედე,
 რას დაგიხრია თავია,
 თუ შენი ტრფობა არ მქონდეს,
 მომტყდეს მარჯვენა მკლავია!
 მიყვარხარ, ქალავ, მიყვარხარ,
 ვით ირემს წყაროს წყალია,
 შენის შეხვედრის სურვილმა
 გული, გონება დალია.
 მიყვარხარ, სამებას ვფიცავ,
 ბიკი არა ვარ მხდალია,
 ავგაროზივით დაგიცავ,
 სანამ ხელთა მაქვს ხმალია!...
 ბიკიკო--ჩემი პატარა
 შეგინახია კარგათა.

ჯერანი—ქალის სახელია,

მოველ... და ყველას მოგივლით,
თავს არ გაგიხდით ბარგათა!...“
ეაღერსება, უცინის,
შინაურ-გარეულებსა.
ღიმილი უქრის სახეზე...
ჩაკვრია სატრფოს უბესა!...
მტერი, დუშმანი აღარ ყავს,
გადაყოლიან ღრუბლებსა!

ძაძა ჩაიცვა ბუნებამ:
ხეებში ქარი ღრიალებს,
შორს... სადაც, — მთისა გადაღმა, —
თოფ — ხარბაზანი გრიალებს.
ისმის კენესა და ვაება,
ყვავ-ყორანთ გუნდი ტრიალებს, —
ახლოა მტერი, ახლოა,
იმათი დროშაც ფრიალებს!..

უცბათ იქექა ყუმბარამ,
მთა წამოვიდა ზვავათა,
კვამლმა დაფარა სამყარო, —
შავია სანახავათა!
ხენი აჩქამდენ... ტყეებმა
მორთეს საზარი ხრიალი,
ტყვიების წვიმა მოვიდა,
ასტყდა სროლა და ღრიალი,
ცა ჩამოხნელდა, ხმელეთმა
იწყო შფოთვა და გრიალი...

ბრძოლა გათავდა... მთა-ველათ
დადგა მკვდრებისა გროვანი,
დაქრილთა კენესა-ვაება, —
ყვედრება ათას-ხმოვანი
ღმერთსა სწვდებოდა... იქ, — ცაში, —
წმიდანთ შეექნათ გლოვანი!..

ერთ ადგილს, — მკვდართა გროვაში, —
გდია მელანოს ომარა...
ტყვიებით დაცხავებული
სისხლს იშრობს მისი ტომარა.

დოღლაურისა ბოლოში, —
სადაც მიწური ქოხია, —
ეზო ბალახით აესილა
აღარა ხვდება თოხია.
გაგიჟებული მელანო
ტყე-ველათ დარბის, ღრიალებს,
პაპა ბერუა სულს დაფავს,
კერისა პირას ხრიალებს,
ჯერანო ქვაზე ახლის თავს,
მისი მანდილი ფრიალებს,
სოფელი ცოდვით დამწვარა,
გლოვისა ზარი ზრიალებს,
უკმეხი ქყევნის ჩარხი-კი
კვლავ ძველებურათ ტრიალებს...

28 დეკემბერი 1914 წ

ქ. ქუთაისი,

ია კვალაძე

ბრწენვალე მოძავლისაკენ.

(მოთხრობა)

III

შუა დღეს ცოტა ღა უკლდა, როცა საკმაოთ გამოძინებული ბაბო დამჯდარიყო შუშაბანდიან აივანზე და იქედან გადაყურებდა თვალ უწვდენელ ეზოს. მალე ქიშკარიც გაიღო და ბაბოს ეზოში გამოჩნდა სანახავათ მოსულ სტუმართა მთელი კრება; თეთრის ქოლგებით და თეთრ ტანსაცმელში გამოწყობილი კნენინა—კნიაჟნები, რომელთაც გზაში გასართველათ გამოეყოლებინათ ორი ახალგაზდა ვაჟი. ისინი მხიარულის სიცილ-ლაპარაკით უახლოვდებოდნენ სახლს. როგორც რიგი და ჩვეულება მოითხოვდა ბაბო აღტაცებით შეეგება სტუმართ. მათაც რიგი და ჩვეულებისამებრ სამ-სამჯერ გადაკოცნეს დაუვიწყარი კნენინა და ტკბილი სიტყვებიც არ დაშურეს. ვაჟებმა თავადიშვილური ზრდილი საღამი მისცენ მასპინძელს და ხელები დაუკოცნეს. კნენინამ კი, სამაგიეროთ, შუბლზე აკოცა მათ. ისინი შევიდნენ აივანზე და, როცა ლაპარაკი გამართეს, სეროიჟაც გაახსენდათ.

— Княгиня, гдѣ-жъ Сережа?—იკითხა სწორის და ლამაზი სახის ლიზამ—თექვსმეტ-ჩვიდმეტი წლის მომზიბლავმა თავადის ასულმა.

— Мой Сережа еще спитъ; онъ, бѣдный, такъ уморился отъ этихъ проклятыхъ экзаменовъ, что не можете себѣ представить!—მწუხარე სახით თქვა ბაბომ.

— თქვენ წარმოიდგინეთ დიდიდან საღამომი წიგნებზე ჩიჩინი! ძალიან ჯაფაში იყო, თქვენმა სიცოცხლემ, მარა მადლობა ღმერთს!—

სეროიჟას გამარჯვებამ დიდი სიამოვნება გამოიწვია სტუმართა შორის. ერთმა ვაჟთაგანმა, საშუალო სასწავლებლიდან ჩხუბისთვის გამორიცხულმა, არკადიმ თხოვა ბაბოს სეროიჟას გამოლვიძების ნებართვა და მის ოთახისკენ გაეშურა.

სეროიჟა ამ დროს ახალი გამოლვიძებული იყო. თორმეტი საათის უშფოთველ ძილს

იგი საკმაოთ გამოეშუშებინა. ის იყო აღგომასაც აპირებდა, რომ არკადი არ შეეარდნო-ლიყო მის ოთახში.

— Здорово, катю! სეროიჟა ღიმილით ლოგინზე წაპოჯდა, მეგობრებმა ჩაკოცნეს ერთმანეთი და შეუდგენ ჩვეულებრივ მასლაათს. ჯერ არკადის რიგი იყო.

— Сержъ, ты здорово пополнѣлъ!— დაიწყო არკადიმ თავისებურათ; მას გამოცდილი ქონდა, თუ რა სასურველ ჩაბეჭდილებას ახდენდა მეგობარზე გადამეტებული ქება.

ერთხელ, ეს ორი ძმა კაცი კარგა მოზდილი ხრამის პირათ იდგენ, სოფლის განაპირათ.

— ნეტავი, თუა ისეთი ვაშკაციო, თქვა ეშმაკურათ არკადიმ, რომ ამ ნაპირიდან იქ, იმ მიწას დაახტესო.—

სეროიჟას ვაშკაცათ მოქონდა თავი, ვაზვიადებული იყო ამხანაგების, უფრო კი არკადის ქებით და ეს უკანასკნელი სიტყვები შეურაცყოფათ მიიღო.

— დიდი ამბავი ჰო... დიდი ამბავია მაქ თუ გადავხტი!—

არ ვიცი, ძმაო, ვინმე თავ მოძულეებული თუ იქნება, თვარა სხვა ვინ გაბედავს?!.. აქ, ჩვენს კნიაზებში ბევჯერ დანიზლავებულან ამაზე, მარა ნიპრიწ! ვერავინ გაბედა!—

არკადიმ ამ სიტყვების დაბოლავება ვერც კი მოასწრო, როცა სეროიჟა უკვე მოსწყდა თავის აღგილს და ხრამში გადაეშვა. სეროიჟა, საბედნიეროთ, სილაში ჩაეფლო და სიკვდილს გადარჩა, მარა ისეთი დინჯღრა, რომ გული კინაღამ წაუვიდა. ზარდაცემული არკადი ერთ წუთს გაშეშდა, დაიბნა, მარა როცა დაინახა, რომ მეგობარი უვნებელი გადარჩა, ასტეხა ზევიდან გულის მოსაგები კიჟინი:

— ბრავო, ბრავო! герой, герой მე და ჩემმა ღმერთმა!... აფსუს!—

თუმცა, ამ შემთხვევის შემდეგ, სეროიჟა მთელი ერთი კვირა ტკივილებს გრძნობდა, მარა ხორციელი ადამიანისთვის არ გაუგებინებია.—

— Ты на великана похожъ!— უთხრა

არკადიმ მეგობარს და ლოგინზე ჩამოუჯდა.

Какого чорта, კაცო! ის კი არა სულ დამაქნო ამ ეგზამენებმა.— ორ აზროვანის დიმილით თქვა სერიოჟამ და მკერდზე საბანი ჩამოიშორა. გამოჩნდა განიერი და მაღალი მკერდს.

— დამქნარა! ხა, ხა, ხა! არა გავს ჩემს მკერდს, თუ?— დაიმცირა არკადიმ თავი. სერიოჟას იაბა.

— ახლა, თუ ძმა ხარ, მოყევი, როგორ ატარებდი დროს ქალაქში, ალბათ, შუხრს ავლებდი კეკლუცებს! Тебѣ, вѣдь, ужасно везетъ по амурной части! მოყევი, თუ ძმა ხარ, მოყევი... ხომ იცი, ჩვენს სოფელში ამხსრივ დიდი ნაკლულოვანებაა. კი, თუმცა ერთი გლეხის გოგონა ვიგდე ხელში, მარა, რაც იმაზე ხლაფოთა დამატყდა ნე დაი ბოგ!.. მოყევი შენი პახაყდენიები?

— ჩემი პახაყდენიები?.. ევეე!.. ყველა რომ მოგიყვე, მგონი, წრეულს ვერ გავათავო!..—

— ერთი მაინც თქვი, შეკაცო!—

— კარგი ძმაო— თქვა სერიოჟამ და დაიწყო:

— ამ შვიდი, რვა თვის წინ დედას მოუყვანეს გურიიდან ერთი შვენიერი გოგო: რომ იტყვიან кровь съ молокомъ!

— ოი, შენს ტყავს! ჩამწვლაკუნა არკადიმ ტუჩები. რამდენი წლის იქნებოდა?—

ასე, თხუთმეტ—თექვსმეტი წლისა, მეტი არა. ისეთი ცქრილა იყო, ისეთი ცუგრუმელა! პაწაწინა ძუძუები ქოდა... ხო და, მე, ხომ იცი, ჩემი ამავე? თავდაპირველათ ისე მოვაჩვენე თავი, თითქო არაფრათ მიმაჩნიაო! ხშირათ ბრძანების კილოთი ვეტყოდი ეს მომართვი, ის წაიღე მეთქი და თანვე ვაკვირდებოდი მის ფსიხოლოგიას. ჩვენ მერვეში გავდიოდით ამ საგანს... ბოლოს, შევამჩნიე, რომ გოგოს ძლიერ ესიამოვნებოდა ტკბილ სიტყვას რომ ვეტყოდი. ხანდისხან დილ-დილობით, როცა გაწმენდილ ფეხსაცმელებს შემომიტანდა ოთახში, მე განგებ მკლავებს გავიშვლებდი, понимаешь?.. გოგო რომ სურვილზე მომეყვანა.

პირველათ, რასაკვირველია, გოგოს რცხვენოდა, და წითდებოდა, საჩქაროთ გადიოდა, ოთახიდან. რალა ბევრი გავაგრძელო, ერთ დღეს ოგეცა შველა ჩაეიკარი ის გულში და მადია ათჩაკოცნე! გოგო, თითქო შეშინდაო:

— რას შევები ბატონო; დაიკვნესა განგებ და მთელი დღე არ მომკარბია. მეც შეეცვალე ჩემი პოლიტიკა და ისიც მალე შემიჩვია.

ერთხელ, დედა კლუბში იყო. სახლში დავრჩით მე, ეს გოგო და მზარეული ბიჭი. ეს უკანასკნელი გავგზავნე, განგებ, ამხანაგთან წიგნის მოსატანათ.

დამის ათი საათი იყო. ავდეგ და გავიპარე გოგოს ოთახისკენ, კარები ჩუმათ შევადე და შევიჭკრიტე, სანთელი ენთო. დაღლილი გოგო წამოწოლილიყო თავის ლოგინზე და ტკბილათ ჩაძინებოდა. მე ცერებზე ცაცუნით შეველ ოთახში. ვერ წარმოიდგენ, არკადი, რა შვენიერი სანახავი იყო მაშინ ის შეჩვენებული! ნელ სუნთქვაზე გული ღრმათ უტოკავდა, მისი ნახათ მიხუტული თვალები შესაქმელათ მოგინდებოდა! მკლავებ გაშლილი გადაბრანძულიყო, ჩემო ბატონო, ამ ლოგინზე და ხერინავდა. მე რამდენიმე წუთი გაშტერებით დავცქეროდი მას. ბოლოს ავცახხახდი, სული შემეხუთა! კაცო, представь себѣ мое положеніе! რა უნდა მექნა?—

— ჰო, მერე, მერე, конечно ужасное положеніе! — მერე, შენ გენაცვალე? ეხვეწებოდა მეგობარს გრძნობა აშლილი არკადი.

— მერე და, გავუცოცე ხელი. ნელა.. ნელა გავუშვლე გული, ფეხები.., არაფერი არ გაუგია.

— მერე, მერე?—

— მერე, ხომ იცირა იქნებოდა?

— კი, მარა მაინც ვერაფერი გაიგო. იმ სულელმა?

— როგორ არა! გაიგო კი არა, ბევრი იჩხავლა, მარა ვინ დაუჯერებდა! აუვარდა ტირილი! იტირა, იტირა, ერთი საათი მაინც ვაცალე. მერე შეუვარდი ოთახში და გუთხარი— გაჩუმდი, არაფერი გაცხადო, თვარა დაიღუ

პები მეთქი! დედაჩემი გაგაგდებს აქიდან, სახლში არ მიგიღებენ, და მე, თუ სადმე შეგხვდი, შენს თავს ციხეში დავაჭერინებ მეთქი! ჩაჩუმდა, ხმა არ ამოუღია!

მეორეჯელ, ეს იყო ერთი კვირის შემდეგ, როცა დედა ისევ კლუბში იყო, მე ისევ ისე მოვიქეცი. ამის შემდეგ ძალა აღარ დამჭირებია, გოგო უხმით მწებდებოდა: —

— ვოტ ტებე ინა! ბედი გაქვს, ძმაო, ბედი! მერე სად არის ახლა ის გოგო?

— დედამ გააგლო უკვე და უსაქმურათ ქუჩებზე დასეირნობს.

— რატომ გააგლო?

— გავგიგო, ჩემო ძმაო, ასეთი საქმე, როლი დაიმალება?

— ჰო, ეს არაფერია, ჩემო სერიოჟა! ახლა, რა გითხრა, იცი? ჩაიცვიტ ანზე, გავიდეთ სტუმრები გეწვია.

— ვინ არიან? იკითხა სერიოჟამ.

— სტუმრები ბევრი გყავს, კნიაჟნებს ჩამოვთვლი, სხვა რა საინტერესოა: ლიზა, ვერა, კატუტია, ვენერა, ელიჩკა, ნადია...

სერიოჟამ აჩქარებით ტანთ ჩაიცვა, პირი დაიბანა და არკადისთან ხელ გაყრილი სტუმრებისკენ გაეშურა...

ასეთი სტუმრობა იშვიათი მოვლენა როდია სოფელ თავადისეულში. იქაურ თავადებს ერთი შვენიერი ჩვეულება აქვთ. ყოველ დღე, აუცილებლათ, ერთი რომელიმე ოჯახი მოიპატიებენ ვახშაო, ან სადილათ, დანარჩენ თავადობას. (სულ რამდენიმე ოჯახია) მეორე დღეს ამ წმინდა მოვალეობას ასრულებს მეორე ოჯახი, მესამე დღეს — მესამე და ასე. თავის ოჯახში სადილობა თითოეულ თავადს მოუხდება ათ დღეში ერთხელ, მარა იმ დღეს ჩინებული მასპინწელიც უნდა იქნეს.

კვირაში ერთხელ იმართება საუცხოვო პიკნიკი, რომელზედაც თავს იყრის მთელი იმ სოფლის ბრწყინვალე წოდება. ერთის მხრივ „შვილები“ — მოძრავი და მხიარული ახალგაზღობა, მეორე მხრივ, „მამები“ — ხანში შესული და მოხუცებული თავადობა. მოლხენაში, აში-

კობაში და ოხუნჯობაში მამები არა თუ ჩამორჩენიან შვილებს, ქარბობენ კიდევ. მათ შორის არავითარი იდეური დავა და წინაღმდეგობა არ არსებობს. ლხენის დროს ახალგაზღობა მოწიწებით ეპურობა ხანში შესულ თავადებს. სამაგიეროთ, ხანში შესულთ ძლიერ მოსწონთ ახალგაზღობა, ეს ЗОЛОТАЯ МОЛОДЕЖЬ, მათის აღიარებით, და მათ ძვირს ენას არ ათქმევენებენ. ვისაც სურს დაივიწყოს ქვეყნიური ქირ — ვარამი და მიეცეს მომხიბლავ ოცნებებს, უნდა დაესწროს ამ პიკნიკებს. თვალის წარმტაცი რამ არი! მთელი ღამე, ამაღლებულ გორაკზე გაშლილ ეზოდან, რომელსაც ქოლგასავით დახტურვია თავზე უზარმაზარ ცაცხვთა გაშლილი ტოტები, გაისმის ზურნის შეუწყვეტელი ქიჟყანი, თარის კენესა და დაირის ბრახუნზე ტკბილი ბაიათები. სახელგათქმული მობაიათე ვახტანგ ამირეჯიბი არ ღალდება, შეუტევს და შემოუტევს, ნამეტანე განთიადისას:

— შავი... ზღვის ნაპირაას.. ჩემი სახლებიიი ბალამ, ბალამ, ბალამ... ან და.

— აჯან, აჯან, შენი ქება...

შენზე კარგი ვინ იქნება. ბა, ბა, ბა, ბა...

სერიოჟა ძალიან ეტანებოდა ამ პიკნიკებს. ლოტოს თამაში, ქალებთან ალერსი და ზურნის ხმაზე ლეკურის ცეკვა მისი საქმე იყო. უნდა გენახათ, როგორ ცოცავდა სერიოჟა ზურნას რომ დაუკრავდენ. ახალგაზდა ქალიშვილებს გული უტოკავდათ სიამოვნებით, თვალეები უცინოდათ და ყველა მას უღიმოდა. გაათავებდა თამაშს და ისევ სტოლს მიუდებოდა. —

ეს ზაფხული მისთვის განსხვავებული რამ იყო. თავის დღეში არ გაუტარებია სერიოჟას: ასეთი დრო. და ამ მხიარულების დროს ერთი რამ აუცილებელი მოლოდინი ხან დააღონებდა, ხან აღაფროთოვანებდა ჩვენს სერიოჟას. ორი თვის შემდეგ ის უნდა გამოთხოვებოდა დედას, მეგობრებს და ამ უღარდელ ცხოვრებას.

V

გაზაფხულის პაპანაქება სიცხეში ბაბოს სახლის განიერ აივანზე რამდენიმე სოფლელი

ქალი გულდასმით მიდგომოდა საკერავს — ბევრი თეთრეული დაემხადებინათ, მარა საკერავი ისევ ბლომით დარჩენოდათ. სიგრილისთვის ფანჯრები დაელოთ. შუა დღე იყო. ბაბო მკერავებს ახლო იჯდა და განკარგულებას იძლეოდა.

— ოცი პლატოკი, მგონი, საკმაო იქნება?.. ოციოდ წყვილი საცვალისც ეყოფა — ამბობდა კნენა.

— როგორ არა ქალბატონო! — უბასუხებდა ერთი მკერავთავანი.

— არც ეს იყო საჭირო, რადგან სამხედრო სასწავლებელში ყოველიფერი სახელმწიფო ხარჯზეა, მარა სერიოჟას მეტი სხვა რა გამაჩნია! თავის ტოლ-ამხანაგებში ის ყოველთვის გამორჩეული იყო და რუსეთშიაც ასე მიიწიდა რო იქნეს! — ეუბნებოდა ბაბო მკერავ ქალებს, რომლებიც ყოველ მის ნათქვამს დასძენდნენ;

— რასაკვირველია, კნენა ბატონო! — ან — არ შეფერის მის გვარიშვილობას, თუ? — ან და — მართალს ბრძანებთ, კნენა ბატონო? —

სერიოჟას ამ დროს გამოღვიძებოდა. ტანთ ჩაეცვა აბრეშუმის თეთრი ახალოხი, საზაფხულო თეთრი ჩოხა და ფეხებზე თეთრივე წვეტიანი მესტები. წელზე დაეკიდნა კოპწა ტარ მოვეცხლული ხანჯალი, როცა თავზე დიდი ბოხობის ქუდი დაიხურა და აივანზე გავიდა, ვეფხის ტყაოსნის გმირს გავდა. მის დანახვაზე ერთმა მკერავ ქალთავანმა, ასე ოცდარვა წლის ქალმა, გულში რაღაც ინატრა.

— კოწია! გასძახა სერიოჟამ მოღურავს, ცხენი ამ წუთში აქ მომგვარე, შეკახმული. სასეირნოთ მივდივარ ქალისკენ! —

— სიჩას, კნიახ! —

ელვასავით გადაეგლო თავს ჩვენი გმირი ახალ გახდნილ გიშვრით შავ ცხენს, რომელიც ერთი მათრახის დაკვრით გაგიჟდა და ყალყზე შედგა. სერიოჟას ძლიერ უყვარდა ცხენის წვალევა. დიდ სიამოვნებას გრძნობდა ის, როცა გაფიცებული ცხენი ოხვრასდა ფშვინვას იწყებდა.

— ჰოოპ! — შესძახა მან თავის მერანს და ეზო ქარავით გადაარბენინა. რამდენიმე წუ-

თის შემდეგ მან ჩაუარა სოფელს და დაადგა ერთს შარა გზას, რომლის ნაპირებზე ეთესა უკვე დატარებული სიმიდი. სერიოჟამ ცხენი შეანელა და რაღაცაზე ღრმით ჩაფიქრდა. ამ ბოლო ხანებში ის ხშირათ უფიქრდებოდა თავის ბრწყინვალე მომავალს და ახლაც ეს გაახსენდა.

— კი... კარგია, აფიცრობა! ამბობდა სერიოჟა თავის გულში, — კარგია მარა, რამდენი აფიცერი მინახავს, ისე მოკვდა, თითქო უბრალო ვინმეო! რამეთი მინცუნდა გამოიჩინო თავი ან ომში, ან რამე საგმირო საქმეში თორემ, ისე რის მეომარი ხარ?! —

სერიოჟას ამ დროს გაახსენდა რუსეთ — იაპონიის ომი და გულში წყენით თქვა.

— ეს ოხერი! ჩემი აფიცრობის დროს რომ დაწყებულიყო, მე ვიცოდით! —

— რას ვიზამდი, ნეტავი, მართლა ასე რომ მომხმარაყოვო. ვაიფიქრა სერიოჟამ

— რას ვიზამდი და რომ ვიშიშვლებდი ხმალს შურდულივით შევარდებოდი მტრის ბანაკში და ნაკუწ-ნაკუწათ ვაქცევდი რამდენიმე იაპონელსო — ჩაილაპარაკა მან უკვე ხმით და თვალის წინ მანჯურის ველები წარმოუდგა. გადახედა სიმიდებს და თქვა: — მტრის რიცხვიც ამაზე ნაკლები როდი იქნებოდაო! —

ბრძოლის ფანტაზიამ სერიოჟა ისე შორს გაიტაცა, რომ ამ ქვეყნის სინამდვილე სრულიათ დაავიწყა. მისი ცნობა ამ დროს ძნელი იყო. შუბლი შეკმუხნოდა. წარბები დაეწკურა და თვალეები გადმოცვენას უპირებდნენ.

ერთ წუთში ცხენს მათრახი მოხვდა, ხანჯალმა მზის სხივებზე გაიფლვა და სერიოჟა იქ აღარ იყო. ცხენი მიქროდა ყანის პირას და გაშმაგებული მხედარი მუსრს ავლებდა დატარებულ სიმიდებს. შუაზე გადაჭრილი სიმიდი შრიალ — ხმაურობით წვებოდა მიწაზე. ბასრი ხანჯალი ერთი შემოკვრით ორლერს ერთათ ქრიდა და ეს გარემოებაც იყო იმის მიზეზი, რომ სერიოჟა თანდათან შედიოდა მემორის როლში.

ამ ხმაურობაზე ყანიდან შარაზე გამოვიდა გლეხი, რომელიც რწყავდა იქაურობას,

დაქანცული და თან გულ შემოყრილი ის და-
ყუღდა თოხს და სასოწარკვეთილმა თქვა:

— ოი ქრისტემ დაგწყევლოს! დამლუბა,
დამაქცია! კი არ ამომავდო კაცი ამ ოხრის
შვილმა?!. —

მარა ეს მწარე სიტყვები არ სმენია სე-
რიოჟას. ის გაშმაგებით ებრძოდა მტრებს,
რომლებიც ძლეულნი მიწაზე ეფინებოდნენ.

(დასასრული იქნება.)

ივ. ი.—ანი

საკოველთაო გეგმა.1)

(სამადროისო).

ყველგან, საცა კი პარტიები ნამ-
დვილი ინტერესების შეურიგებელმა წი-
ნააღმდეგობამ დაბადა, ახლანდელმა ომ-
მა ყველა მებრძოლი პარტიები მოარი-
გა, ერთს უღელში გააბა, ერთს საქმეს
ამსახურა. მარტო ჩვენში, და მარტო
იმ მიზეზით, რომ პარტიები, ერის საჭი-
როებას კი არა, ცალკერს მიმბაძობას
დაუარსებია, არ იქნა, ვერ შევიგნეთ
საერთო გასაჭირი, ვერ შეგვიწყაბტია
ურთიერთი ქიშობა და ბრძოლა. ეს, რა-
საკვირველია, ხალხზე კი არ ითქმის,
რომელიც შეურყევლათ დგას მამაპაპურ
ნიადაგზე,—მარტო ინტელიგენციას შე-
ეხება, საფანტივით დაბნეულს სხვა-და-
სხვა პარტიებათ. ესენი თავ-თავის და-
უჯდომლებს უწინდლურათ შეუცვლე-
ლათ ბურტყულობენ, თითქო ქვეყანაზე
არარა მომხდარიყოს ახალი, დამაფიქრე-
ბელი, საჭირვარამო.

ჩვენი ქვეყნის გონებრივ ზრდის-
თვის დიდი უბედურებაა ის გარემოება,
რომ დედის ძუძუთი-კი არ ვიკვებებით,
ცხრა მთას გადადმიდამ მოყვანილ ძი-
ძებს ვაბარივართ. ისინიც ხშირათ თხის
რძეს გვაწოვებენ და არა ადამიანისას.

*) დაპირებული სტატია ჩვენი მხსოვანი პუ-
ბლიცისტისა ამ წუმრისთვის ვერ მოუხწრო და შემ-
დგისთვის დაისტამბება, რედაქცია.

შინაურობა როდი რამეს გვინერგავს
შემდეგი სწავლის მიზნათ და საფუ-
ძვლათ. უვიცნი, უზრდელნი შევეყა-
ვართ სასწავლებელში, სადაც მკვდარი
ენების ზებირება თავს გვაბეზრებს და
გვირეტებს. გვიშობენ იქიდან არაფრის
მცოდნეთ, ყველაფრის მდომთ. ხარბათ
ვეწაფებით ქვეყნის საიდუმლოების ახ-
სნას. ვხედავთ, ერთის მხრით, უზომო
ჯაფის მომთხოვ მეცნიერებას, რომე-
ლიც ერთ საკითხს რომ აგვიხსნის, მა-
გიერათ სამს ახალს, ბევრათ უფრო
თავის სამტვრევს წინ გვიყენებს. მეო-
რეს მხრით, სდგას მწერლობა, რომე-
ლიც ერთს წუთში მცოდნეს და უმე-
ცარს ყველაფერს უხსნის, ადვილათ,
ნათლათ, იგავით, არაკით, სიმბოლოთი.
რალა თქმა უნდა, ძნელს ადვილი
სძლევს: მივყვებით იგავ-არაკს. ბევრი
ქალარა გვეზღება, სანამ ცხოვრება გა-
გვაგებინებდეს, რომ ჩვენს არაკულ ახ-
სნას არაერთარი მსგავსება არ ქონია
სინამდვილესთან, და განსაკუთრებით
ჩვენი ქვეყნის მდგომარეობასთან, რომ
ზღაპარი, ოცნება, არათუ გამოუღეგარი,
დამლუბელიც ყოფილა ჩვენი ერისთ-
ვის. ამ ერის შველა, თურმე; ერთობ
რთული საქმეა, ბაირადების აფრიალე-
ბით ვერ ხერხდება, ხანგრძლივ, მრავ-
ვალმხროვანს მეცნიერულ მზადებას
თხოულობს...

ერთი თაობა რომ ამას იგნებს მწა-
რე გამოცდილებით, მეორე, ახალი,
ისევ ძველი გზით ძველ შეცთომებს
იმეორებს, ისლანდიელ ლათაიებს ზე-
პირობს, ირლანდიელ მელიოდიებს მღე-
რის, სანამ საკუთარი ცდით არ გაი-
ცნობს ადვილათ ნასწავლი ფორმულე-
ბის ამოვებას. ასე ჩვენი ინტელიგენცი-
ის სხვა-და-სხვა მოდგმა, ყველა ცალ-
ცალკე, ტრიალა გალიაში ჩამწყვდეულ
თრითინასავით ნიადაგ ერთ და იმავე
წერტილზე ფხაკურობს, საბრალოს კი

გონია, ვითომ მიუწვდომელი სისწრაფით წინ მიხტის.

ეს მდგომარეობა მით უფრო სახარელია, რომ თან-და თან აშკარავდება ამ ინტელიგენციის ძიძების, თუ სიყალბე არა, სისუსტე მაინც. ერთი მოსკოველი მეცნიერი, პსიხიატრი რიბაკოვი, იძულებულიც გახდა იმის მტკიცება დაეწყო, რომ უმეტესი ნაწილი იმ მწერლებისა, ვისზედაც ლოცულობს ახლანდელი ინტელიგენცია, სულით ავადმყოფი არისო*.) ეს, რასაკვირველია, მიკარგავს. შეშლილების მკურნალს ყოველი ადამიანი გადაარეული გონია, როგორც პროკურორს ყველა დამნაშავეთ მიაჩნია. ნამდვილი-კი ისაა, რომ უცხოელი ძიძა, რაგინდ სადი იყოს, შენს დედა-ენას ვერ გასწავლის, შენი ქვეყნის ბუნებას და საჭიროებას ვერ გაგაცნობს.

ამ მიზეზით არის, თუ სხვით, ვერ მოხერხდა ჩვენში საერთო პლატფორმის შედგენა მოწინავე წრეებისთვის. თითო-ული ჩვენგანი ცალკე გარბის, თვითონაც არ იცის, საი თქვენ და რის იმედით. პარტიები, გასაქირის დღესაც, უფრო იმაზე მეცადინებენ, თუ შინაურ მოპირდაპირეს, როგორ მოტეხონ კისერი, ვინემ გარეშე მტრის მოგერებაზე. ერთობა მარტო ენაზე აკრავთ, და არა ძარღვებში აქვთ გამჯდარი. რატომ? გასაყოფი რა გვაქვს? ვის რა გვაბადია, რომ ერთის წახდენით მეორე გაკეთდეს? საშოვარი, თუ რამეა, ჩვენს ხელში ხომ არ არის, რომ ერთმანეთს ვწეწავთ? ან საშრომი, სავაჭრო, სსახელო. ცოტა განა ჩვენში, ყველას არ ეყოფა, თუ? ამ კითხვებს ვინ უფიქრდება! გაგვიზეპირებია უცხო შაირები, და ვინც ბანს ვერ გვაძლევს ქვეყნის მოღალა-

ტეთ მიგვაჩნია. რამე რომ მხურვალეთ გვიყვარდეს, მის სასიკეთოთ მეცადინე ვიქნებოდით მტერი მოყვარეთ გვექცია. ახლა-კი მარტო იმას ვცდილობთ, რომ მკვიდრი ძმა მტრათ გაუჩხადოთ, მარტო იმისთვის, რომ სხვა კილოზე დილინობსო.

ჩვენი ქვეყნის მდგომარეობა სულ სხვანაირ ძალისწყობას თხოულობს. მართალია, ბევრი რამ ელობება წინ ამ საქმეს. მარა, თუ უცხო ედემის ერთბაშათ და ერთიანათ გადმორგვა ჩვენში მოუხერხებელია, ბევრი მცენარე, ცხოველი, იარაღი და მოწყობილება გადმოიტანება ცალ-ცალკე და ნელ-ნელა. დედა-მიწაზე არც ერთი მხარე არ გაბედნიერებულა ერთ წუთში, ერთი თვალის დახამხამებით. ზრდა ყველაფრისა, რაც-კი იზრდება, ნელი და შეუმჩნეველია. ასეთივეა მატერიალური, ზნეობრივი და პოლიტიკური ზრდა ყოველი ერისა. ჩვენს კერძო და საზოგადო ცხოვრებაში ბევრი რამ გვაკლია ისეთი, რაც განათლებულ ქვეყნებში ადამიანს ბედს აშვენებს და ამაღლებს. ამ დანაკლისის უმეტესი ნაწილების შემოტანას ჩვენში და გახარებას ვერა ვინ დაგვიშლის. როცა ეს უმეტესი ნაწილი ჩვენში შემოიღება და ფესვს გაიმაგრებს, დანარჩენის გადმოზიდვა ამით გაადვილდება, და არ გაძნელდება. თუ ამ „დანარჩენზე“; ესე იგი, მის ჩვენში გადმორგვაზე, ჩვენ სხვა-და-სხვა შეხედულობისა ვართ, იმ უმეტეს ნაწილზე ხომ ყველა განზრჩეველათ ვეთანხმებით ერთმანეთს და ერთი შეხედულობისა ვართ? მაშ, რატომ ყველა ერთნაირათ არ ვიდგამთ წინ გეგმას—რაც შეიძლება მეტი გადმოვრგათ იმ სიკეთეთაგან, რომელიც ევროპის ცხოვრებას აბრწყნებს და აბედნიერებენ. ოცნება—კი არა, რეალური საგნები, წესები, წყობილობა ვიქონიოთ მიზნათ, რაც ნაცადი და გახორციელებულია მოწი-

*.) ნახეთ Θ. Е. Рыбаковъ. Современные писатели и большие нервы. Психиатрической энциклопедии. Москва, 1908.

ნავე ქვეყნებში და იმ გზას ნუ ავშორდებით, რომლითაც ეს იქ გახორციელდა. აი, ყოვლად სადა, უბრალო, უდავო, ყველასთვის გასაგები პროგრამა, არავისთვის საწინააღმდეგო, ყველასთვის სარგო. მისი ხმარება ყველას შეუძლია ერთათ, და ცალ-ცალკე: კერძო პირს, ამხანაგობას, ჯგუფს, პარტიას, ეროვნებას, სახელმწიფოს, თითოეულს თავის ღონის, თუ ქონების ფარგალში. საანგარიშო ყველას მართო ის ექნება, თუ რისი გადმოტანა რა დაჯდება, რა საშუალებას მოითხოვს, ვისი სახელდახელოა? ყველას ხელს აძლევს ამგვარი მუშაობა სამშობლოს წინსვლისთვის. და, თუ ვისმე ის მცირედათ მიაჩნდება, ნეტა, ვინ უშლის უაღრესი ბედნიერების გახორციელებას, თუ მართლა ღონე უჭირს?

6. ნიკოლაძე.

მოგ საურობა

რაჭა-ლეჩხუმი.

1902 და 1903 წლების ზაფხულის თვეები, სამსახურის გამო, უნდა გამეტარებია რაჭაში და ეს დრო მინდოდა არ ყოფილიყო უნაყოფოთ დაკარგული. რადგან დავრწმუნდი, რომ საქართველოს ამ მივარდნილ კუთხის სიძველენი ძალიან ნაკლებ არის ცნობილი, მე განვიზრახე შემომეველო რაჭა-ლეჩხუმი და, რამდენადაც შესაძლებელი იქნებოდა ჩემთვის, ამეწერა ის საისტორიო ნაშთები, რომელიც გადაურჩა დროთა ვითარებას და ჩვენს შეუგნებლობა-დაუდევრობას.

მართალია, რაქის მხარეში უმოუგზაურნიათ ისეთ სპეციალისტ-არხეოლოგებს, როგორნიც არიან და იყვენ მარი ბროსე, კონდაკოვი, ბაქრაძე და გრაფინია უვაროვისა, მარა, სამწუხაროთ, მათი არქეოლოგიური ექსპედიციები გასაღწერულან მხოლოთ იმ რამ-

დენიმე ეკლესიების ნახვით, რომელიც ცნობილი იყო თავის არქეოლოგიურ ნაშთებით. რაც შეეხება დანარჩენ სოფლების სიძველეო, მათთვის არავის მიუჩქევია ყურათღება. ზემოდასახელებულ სპეციალისტების გასამართლებლათ სიმართლე მოითხოვს ვთქვათ, რომ მათ დროც არ ექნებოდათ დაელოთ ყველა სოფლები ისტორიულ ნაშთების საქმენელათ. ჩვენ შორის არ აღმოჩენილა შეგნებულნი ვინმე, რომელიც გამსჭვალულ იყო წარსულის შესწავლის სურვილით, მიეჭკიოს ყურათღება იმათ აღწერისთვის და რივიანათ შენახვისთვის.

გვინებ, საჭიროც არ უნდა იყოს იმის მტკიცება, რომ ვინც დაჩქინილ ძველ ნაშთებს ისტორიისათვის დიდი მნიშვნელობა აქვს. რომ მათი შესწავლა და შენახვა ჩვენთვის, თუ კი გვინდა შევირჩინოთ ეროვნული ელფერი, აუცილებელ საჭიროებას შეადგენს, — რომ ამას მოითხოვს, როგორც ჩვენი, ისე მეცნიერების ინტერესები. ევროპის მეცნიერ-ორიენტალისტები (ჟან სენ მარტენი, დიუბუა დემონპერე და ვივიან სენ მარტენი) საქართველოს მწერლობით ნაშთებს თვლიან დიდ მნიშვნელოვან და ყოვლათ საჭირო მასალებათ, არა მარტო საქართველოს წარსულის შესასწავლათ, არამე თ აზიის ისტორიისთვისაც¹⁾.

¹⁾ დ. ბაქრაძე. Орхеологическое путешествие по Турии и Ачаръ, გვ. XV საქართველოს ქონდა მნიშვნელობა არა მარტო აზიის ისტორიისთვის. მან წარსულში დიდი სამსახური გაუწია ევროპასაც. მძლავრ აღმოსავლეთის მამალიანობამ თვისი ენერჯია და ფანატოზიში შეღია პატარა საქართველოს უძლეველ მკერდს. საქართველომ შეაყენა მახზადიანობა და ამით შეასრულა თვისი ისტორიული მისი რუსეთის და საზოგადოთ ევროპის ქრისტიანების წინაშე. ევროპა და რუსეთი, ევგ. მარკოვის თქმით, ამაში არ აძლევენ თავიანთ თავს ანგვირუსს. უმადურობას იჩენენ და არ აფა; სებენ საქართველოს ამ დიად ღვაწლს (ევ. მარკოვი. Очерки Кавказа, გვ. 209—211. პეტერბ. 1887 წ.) პეტრე დელავალე თავის 1625 წლის მოხსენებაში, აი, რას წერდა პაპა ურბანო მერვეს: ქართველები მუდამ ებრძვიან ქრისტიანობის ყოვლათ ძლიერ მტრებს სპარსელებს და ოსმალებს სარწმუნოების დაცვისთვის. მტრებს არა ერთხელ ამოუწყვიტეს ერთიანათ მხედრობაო, ამიტომ რომის ეკლესია დიდათ დავაღდებულია

უნდა გამოვტყდეთ, რომ საღველოება, რომელიც უნდა ყოფილიყო ეკლესიებში დაცულ ნივთების მომვლელ-შემნახველი, რომლის ზნეობრივ მოვალეობას ეს შეადგენდა, არ იყო იმდენათ შეგნებული, რომ ცოდნოდა ამ სიძველეთა მნიშვნელობა და ეზრუნა მათი რიგიანათ შენახვისთვის. ამ დაუდევრობა-შეუგნებლობას მრავალი ძვირფასი საისტორიო ნაშთები დაუკარგავს. ამის დასასაბუთებლათ მოვიტან რამდენიმე მაგალითს ქელიშის საისტორიო ნივთთა თავგადასავლიდან.

ქელიშის სიძველენი (საეკლესიო ნივთები, შესამოსლები და ხელთნაწერები) 1902 წელს ამ სტრიქონების დამწერმა ნახა ძალიან ცუდ მდგომარეობაში. ყველა ეს მიყრილი იყო კუთხეში და სინესტისგან მეტათ დაზიანებულიყო. მონასტრის წინამძღვრებს არ ესმოდათ მათი მნიშვნელობა და არ აქცევდნ მათ ჯეროვან ყურადღებას. ბევრი მათგანი, საბუთი გვაქვს ვიფიქროთ, სამუდამოთ დაკარგულა მონასტრის ძმათა დაუდევრობისგამო. მაგალითათ, მონასტრის ქონებათა აღწერილობაში ბოხსენებულია: „ქრონიკები უყუდა“, „სვინაქსარი“ და „სიტყვანი და მოძღვრებანი იოანე დამასკელისა“ და თითოულ მათგანის პირდაპირ მიწერილია რუსულათ, არ აღმოჩნდაო. ეს შენიშვნა ეკუთვნის იმ კომისიას, რომელსაც, სასინალო კანტორის მონდობილობით, იმერეთის მონასტრების ქონება შეუმოწმებია 1879 წელს¹⁾

საკვირველია, როგორ გადურჩა განადგურება-დაკარგვას ისიც, რაც ახლა ინახება მონასტერში, როდესაც დროთა ვითარებამ უდაბნოს მოუვლინა იმნაირი მმართველნი, რომელთაც ისიც არ იცოდნენ, იყო თუ არა უდაბნოს საღაროში რაიმე სიძველე და ხელთნაწერი. მონასტრის არხივი გვაძლევს ამ სამწუხარო მოვლენის საბუთებს. 1864 წ. ნეტარ-ხსენებული ყ-დ სამღვდელთა გაბრიელმა

1) მონასტრის არხივი 1879 წ.

ქართველებისგან რომელნიც ღირსნი არიან... შემწეობა აღმოუჩინათო“ (მ. თამარაშვილი ისტორია კათოლიკობისა ქართველთა შორის... თფილისი 1902 წ. გვ. 88).

მოთხოვა ქელიშის უდაბნოს წინამძღვარს წარედგინა მისთვის დაწვრილებით ცნობები ხელთნაწერების შესახებ²⁾, მაგრამ მონასტრის უფროსმა წარუდგინა მოხსენება, რომელშიაც არწმუნებდა ღვედლოთავარს, რომ მისდამი რწმუნებულ უდაბნოში არ მოიპოვება არაერთი ხელთნაწერი³⁾. 1876 წელსაც განმეორებულ იქნა მოთხოვნილება ხელთნაწერებზე ცნობების წარმოდგენის შესახებ⁴⁾, რომელსაც მოყვა სიტყვა-სიტყვით იმნაირივე მოხსენება, როგორც 1864 წ.⁵⁾ რა უნდა მოვთხოვოთ მონასტრის იმნაირ მმართველს, რომელსაც 1864 წლიდან 1876 წლამდის, მიუხედავათ მთავრობის მოთხოვნილებისა, ვერ შეუნიშნავს, რომ მისდამი რწმუნებულ უდაბნოში მოიპოვებოდა ხელნაწერები?

ამის შემდეგ, ვგონებ, საჭირო არც კი უნდა იყოს იმის მტკიცება, რომ სამრევლო ეკლესიებში დარჩენილ სიძველეთ დაცვა-შენახვის საქმე ცუდ მდგომარეობაში უნდა ყოფილიყო. გვაქვს, როგორც აქვს ქვემოთ დავინახავთ, ისტორიული საბუთი იმის შესახებ, რომ ქელიშის მონასტრიდან, როდესაც, იქ, მისი მტერთაგან აოხრების შემდეგ, დროებით თითქმის შეწყდა მონაზნური მოღვაწეობა, იქაურ ძველ და ძვირფას ხატებს დამცველობატრონებათ გამოსჩენია სოფ. ხონქიორის მცხოვრებნი. ქელიშის ხატები, რიცხვით თორმეტი, — მათ გადაუტანიათ თავიანთ ეკლესიაში. ამ ხატებიდან ჩვენს დროში მოუწევია მხოლოდ რვა, ოთხი კი უკვალოთ დაკარგულათუ ამნაირი ბედი ეწია ძველის-ძველ და ხალხისგან დიდათ სათაყვანებელ ხატებს, თუ მათ შენახვისთვის არ უზრუნვია საღველოებას, ხელნაწერებზე რაღა უნდა ითქვას. მათ უმე-

2) იქვე. მიწერილობა 29 თებერვლიდან 1864 წ. № 854.

3) იმერეთის საეპ. კანცელარიის არხივი. მოხსენება 22 მარტ. 1864 წ. № 27.

4) მონასტრის არხივი, — მიწერილობა 13 დეკ. 1876 წ. № 4296.

5) იმერ. საეპ. ვანს. არხივი, მოხსენება № 41 — 1876 წ.

ტეს ნაწილათ უყურებდენ, როგორც გამოუსადეგარ, გადასაყარ ნივთებს. ამ შეუგნებლობის ბრალი იყო ის გარემოება, რომ ღვდღეები ხშირათ ძველ შესამოსლებს და ხელნაწერებს ცეცხლში ანადკურებდენ, რომ თავიდან აეცილებიათ მთავრობის საყვედური მათი არა რიგიანათ შენახვისთვის 1).

ძველ ხელთნაწერებში საღვდლოება არ საჭიროებდა, რადგან ეკლესიაში იხმარებოდა ნაბეჭდი წიგნები 2). მართალია, ვრცელდებოდა მხოლოდ საღვდლოთმომქმედო წიგნები, ხოლო მამათა ნაწარმოებნი, მათი ცხოვრება, საღვთისმეტყველო შინაარსის წიგნები ისევ ხელთნაწერებათ იყო მონასტერ-ეკლესიებში, მარა ამნაირი შინაარსის წიგნები ახალი რეჟიმის დროს არავის უნდოდა. საღვდლოება განათლების მხრივ ჩამოქვეითდა და ამნაირი შინაარსის წიგნების კითხვის საჭიროებას არ გრძნობდა. ახალმა დრომ მას წაართვა სამშობლო ენაზე საღვთისმეტყველო წიგნების კითხვის უნარი. მთავრობა ქართულის ცოდნას ცოდნათ არ თვლიდა. ქართული მწიგნობარი წერა-კითხვის მცოდნეთ არ ით-

ვლებოდა, ქართულ ხელის მოწერასაც არ ღებულობდენ მთავრობის დაწესებულებებში. 3) და აბა, ქართული საღვთისმეტყველო წიგნების რათ ენდომებოდა. შემდეგ დროებში სასწავლებლებმა სულ გადააჩვია საღვდლოება მათს კითხვას.

ამნაირი მიზეზების გამო, ქელიშის მონასტერი, რასაკვირველია, გამონაკლისს არ შეადგინდა საისტორიო სიძველეთათვის უდიერათ მოპყრობაში. ამნაირ სამწუხარო მოვლენას ქონდა ადგილი არა მარტო რაჭის მხარეში. ამნაირივე შეუგნებლობა-დაუდევრობა სუფევდა მთელ საქართველოში. კათალიკოზ ევთვიმე საყვარელიძისგან შეგუენილი სრული სვინაქსარი მე-XIX საუკუნის დასაწყისში გელათის წიგნთსაცავში ყოფილა 12 წიგნათ; 1890 წლამდის მოულწევია მხოლოდ ცხრას, 1896 წელს დარჩენილა მხოლოდ შვიდი წიგნი. 1902 წელს კი აღმოჩენილა მხოლოდ ხუთი 5). ბ. თ. ჟორდანიას თქმით, ოზურგეთის სასულიერო სასწავლებლის მოსწავლენი კრიდენ ფურცლებს ჯუმათის ძველის ძველ ტყავზე ნაწერ წიგნებიდან და ხმარობდენ წიგნების შესაყადებელ მასალათ 6). ერთი გელათში ნასწავლ ღვდღისგან გამიგონია, რომ ზოგიერთი მონასტრის შეგიერდები, — საღვდლო კანდიდატები, ტყავის ხელთნაწერ ფოლიანტებიდან პაიქ-ქალაბნებსაც კი იკერავდენ. 7)-ამნაირი დაუდევრობა-შეუგნებლობა ახლაც

1) როგორც გამიგონია, ამნაირი შიშის ასპილებლათ დაუწევთ ილორის ეკლესიის ხელთნაწერები და შესამოსლემი. 1890 წ. ბ. თ. ჟორდანიას ბაგრატიის ეკლესიის შტოში, სადაც პატარა ეკლესიაა დღეს, იმ ტაძრის ერთ კუნტულში შეუნიშნავს ორი არშინის სიმძლევ ნავაგი, ალბათ, დასაწევათ გამზადებული ნავაგიდან მოჩანდა, თურმე, წიგნის ყდის ყური. ამოუთხრია იქიდან და რა აღმოჩენილა? ორი ვებერთელა თითო ფუთიანი ხელთნაწერი—სახარების განმარტება ეფრემ მცირისა (ქრან. II, გვ. 36—38). აქვე უპოვინა ხუთი სხვა წერილი ხელთნაწერი. ეს ხელთნაწერები ეპ. გაბრიელს გადაუტოვა გელათის მონასტრის წინამძღვრისთვის მონასტერში დასაბავთ. 1904 წელს კი ხუთი წერილი ხელთნაწერი უნახავს ბ. ჟორდანიას. ხოლო ის ორი დიდი ხელნაწერი გრიგოლ ბერს წაუღია კასში, მაგრამ 1910 წ. კასშიაც არ აღმოჩენილან (ჟურ. „განთიადი“ №1, გვ. 255—257. სხოლიო).

2) საუბედუროთ, ახლა ნაბეჭდი წიგნების შოვნაც შეუძლებელი გახდა („შინ. საქმეები“ 1914 წ. № 3, გვ. 8), რადგან საეკლესიო საქმეებში ჩვენ ინიციატივა წართმეული ევაქეს. ხოლო ისინი, ვისაც ბედმა არგუნა ჩვენი ეკლესიის მართვა, ამაზე ძალიან ნაკლებ ზრუნავენ.

3) ამ სტრიქონების დამწერი ერთხელ მოწმე გახდა იმისი, რომ სოხუმის ხაზინაში ქართული ხელის მოწერა არ უყაბულეს ერთ რუსული წერის უცოდინარ ღვდღეს (ივანე წიგწიგძეს) და, მის მაგიერ, სხვას მოაწერინეს ხელი.

5) ჟურ. „განთიადი“ 1913 წ. №1, გვ. 255, ხოლიო.

6) თ. ჟორდანია. Описание рукописей Тиф. Цер. Музея. ნაწ. II, გვ. 181—182.

7) ღვ. მიხ. ასათიანის ნამბობი ამ თუთხმეტი წლის წინათ.

თანვედევს. საუბედუროთ, ჯერ კიდევ კარგათ არ შეკვივნია მნიშვნელობა საისტორიო მასალების შეკროვებისა და ჩვენი ისტორიის შესწავლის აუცილებლობისა 8). ამისათვის არ შეგვიძლია გავამტყუნოთ პანტიუხოვი, როდესაც ამბობს, რომ ყველა კავკასიელების თვისებას შეადგენს გასაცვიფრებელი გულგრილობა ყველა იმის შესახებ, რაც მისთვის ამ წუთშივე არ წარმოადგენს აუცილებელ საჭიროებას 1) რამდენი საისტორიო ნივთები და ძველი ხელთნაწერები განადკურებულა სპარს-ოსმალთაგან, რამდენი ტანჯვა გამოუვლია ქართველ ერთან ერთათ ისტორიულ ნაშთებს არა ქრისტიან მტერთა საქართველოში ბატონობის დროს, რამდენი ეკლესია, -სიძველენი მიუსაკუთრებიათ საქართველოში შემოხიზნულ სომხებს მე XIX საუკუნემდე 2), რა ზედი ეწია ხელთნაწერებს და გუჯარ-სიგელებს სამცხე-საათაბაგოში მის ოსმალთაგან დამორჩილების შემდეგ 3), ყველა ამებზე აქ არას ვიტყვი,

8) „შინ, საქმეები“ უკანასკნელ ნუმერში მოთხრობილია, რომ ერთ მებრილიანტე იოსებ გვეტაძეს ვიდაც ოავადიშვილისგან შეუძენია ნაწილებიანი ქართული ხელნაწერების ოქროს ხატი, რომელიც წარმოადგენს მინიატურული სახარების ბუდეს, თუმცა სახარება ახლა შიგ ღარ არის. „ეს ძვირფასი განძი თურმე, ხშირათ ყოფილა დაგირავებული ურიებთანაც („შინ საქმეები“ 1914 წ. № 6, გვ. 16).

1. დ-რ. პანტიუხოვი. *Историческое описание и его окрестности* გვ. 49, 50.

2. პლ. იოს ულიანის თქმით, სომხეთში არსებული საუკუნენი თფილისი არ ქონიათ საქსართვ. ეკლესიები ვახუშტის დროს კი მათხელში გადახული ყოფილა შვიდი მართლმადიდებელი ეკლესია. პლ. იოსელიანი. *Описание древностей гор. Тифлиса*, გვ. 232—233 და „სტოვრება მეფე გიორგი მეცამეტისა გვ. 54). XVIII საუკუნეში თფილისის გარეთა დაუქერიათ რამდენიმე ეკლესია (ვახუშტი. *Description géographique de la Georgie*, გვ. 13 და პლ. იოსელიანი. *Описание древностей г. Тифлиса* გვ. 261).

3) მე-XVIII საუკუნის დამდეგ ოსმალებმა ქართველების ძელი სიველ-გუჯრები, გაუქმებულათ გაჯაყაჯა და მოთხოვეს მათი წარდგენა, რომ მათ მავიერათ მიეცათ ახალი საბუთები. მამულებზე უფლების დაკარგვის შიშით ყველამ წარუდგინა ოსმალების მთავრობას ძველი და ახალი სიველ-გუჯრები. ამ სტამბოლში გადატანილ საბუთებში, როგორც გვარწმუნებენ, ბევრი ეკუთვნოდა VIII—XI საუკუნეს. ხ. კიკინაძე. ისტორია ზნისიძის გვარისა და შოთა რუსთველი გვ. 45 და 83 ტვ. 1904 წ.

რადგან ეს არც გასაკვირველი უნდა ყოფილიყო. გასაცვიფრებელი ის არის, რაც ამხრივ დაემართა საქართველოს მე XIX საუკუნის განმავლობაში, როდესაც მძლავრ ერთმორწმუნე სახელმწიფოს საფარველს ქვეშ ყოფნის რდოს, მხოლოთ ერთ საუკუნეში, დავკარგეთ იმდენი, რამდენიც საფიქრლებია მონგოლ ოსმალ-სპარსელების დროს მიუღ 6—7 საუკუნის გაემავლობაში არ დაგვიკარგავს!

„სახალხო გაზეთის“ ერთ-ერთ შარშანდელ ნუმერთაგანში მოთავსებული იყო. ბ. სანგანიძის წერილი სათაურით: „მოვიფშენით თვალები!“ აქ ნათქვამია, რომ სოფ. ატენის სიონის ძველის ძველს ტაძრიდან ვიდაც შეარადებულმა ბოროტ გამზრახველებმა გაიტაცეს იშვიათ ჩუქურთმიანი ქვა. გამოუცხადეს მამასახლისს, მარა. ბოროტ-გამზრახველთა კვალს ვერ მიაგნესო. ავტორი სამაროლიანის გულისწყრომით მოგვითხრობს სოფელელთა მწუხსრებაზე ამის შესახებ და, საზოგადოთ, ჩვენს დაუდევრობაზე. გამორკვეულა, რომ ქვა წაუღიათ სომხებს, რომელთაც სურთ ჩვენს კულტურულ ნაშთებზე ააგონ და დააფუძნონ თავიანთი წარსული ისტორია 4)

4) „სახ ვახ.“ 1913 წ. №1056. ძველ ნაშთების მითვისებაში, მათ ფაბრიკაციაში, ე. ი. ახალის ძველთ გადაქმნაში ჩვენი მეზობლები ყოველთვის ყოფილან, თურმე, დახელოვნებულნი. ამის შესახებ ცნობები მოყვანილი აქვთ: ეპ. კირიონს (*„культура. Юбилей Иверии въ истории руси* გვ. 370 და 371), მ. თამარაშვილს (*„პასუხათ სომხის მწერლებს*, გვ. 89—91, 100—101. ტვ. 1904 წ.), სადაც მოყვანილია ამის შესახებ სენ მარტენის აზრი; ეპ. პორფირის (*Книга моего бытия* 71, 597 და სხ.

იმავე გაზეთში ბ. Legatus მოგვითხრობს რომ ერთ სომეხ, გვართ მდივანიანცს, უნდოდა, თურმე, მოტაცება ოქონის ღვათების ხატისა. მარა ღვღელს თადეოზ მგელაშვილს და სოფელელებს დაუქერიათ იგი, უტყვნიათ, კანცელარიაში დაუშეყვდევიათ და სტატიის ავტორისთვის უთხოვნიათ დასწრებოდა ოქმის შედგენას. მდივანიანცის თავხედობა იქამდის მისულა, რომ ამ შეურაცყოფის მიღების შემდეგ ბ. Legatus-ისთვის უძლეეია ხატის ფასათ

400 მანათი. მოფლელები ამას მეტათ აუღე-
ლევბია 5).

ამ შემთხვევებში ისიც საწუგუმოთ უნდა
ჩაითვალოს, რომ სოფლელებს შეუგნიათ მნი-
შვნელობა კულტურულ საისტორიო ნაშთები
სა, რომ ამ მტაცებლობას მათში დიდი მწუ-
ხარება გამოუწვევია. ეს გამოღვიძების ნიშანი
უნდა იყოს; უწინ ესეც არ გვესმოდა...

XIX საუკ. განმავლობაში მრავალი საისტო-
რიო ნივთები და ეკლესიები დაგვიკარგავს,
მარა ამას ჩვენში პრაქტესტი არ გამოუწვევია.
ბევრი თქმულა და დაწერილა იმ ეკლესიების
შესახებ, რომელიც მიუსაკუთრებიათ სომხებს 1),
მაგრამ ჩვენი ინტერესების დამცველი არაფერ
აღმოჩნდა; პარიკით, პოლიკო იმათ ეხმარებოდა
ამ შემთხვევებში 2). იმის მისაღწევათ, რომ ამ
ეკლესიებს ქართველები არ შესცილებოდათ,
ქართულ წარწერებს ბაზაროსულათ ანაღ-
გურებდენ 3). ხშირათ ეკლესიასთან ერთათ
ქართული მრკელიც სომხების საკუთრებათ
ხდებოდა 4). მათ ხელში ჩავარდნილ ქართვე-
ლებს იმედი დაკარგვიათ, მათი ხელიდან თა-
ვის დაღწევისა და მისთვის მათში დაბადებულა
აზრი კათოლიკობის დატოვებისა და სხა
სარწმუნოებაზე გადასვლისა 5). საქმე იქამ-
დის მიდის, რომ ეს ჩვენი მეზობლები არამც

5. „სახ. გაზეთი“ 1914 წ. № 1092.

1) Церк. Вопросы въ Россіи гв. 197 ბრა
ილა 1896 წ.; ებ. კირიონი. Отъѣздъ въ Грузію
Им. Синод. Контору о Бадавской Георгіевской
часовнѣ гв. 5—6, ტფილ. 1899 წ. პლ. იახელიანი
Одис. древ. г. Тифлиса гв. 261, Вѣстникъ Груз.
Экзархата 1893 წ. № 4 გვ. 21—22 და № 5, გვ.
15; გრაფინია უფროვისა Кавказъ. Абхазія, Джай-
рія, Шавшетія. Путев. замѣтки. ნაწ. II, გვ.
191. მოსკოვი 1891 წ. და სხ.

2) ღვ. მ. თამარაშვილი. „ისტორია კათოლი-
კობისა ქართველთა შორის“ გვ. 541—543, ტფ. 1902
წ. ებ. კირიონი. ზემოხს. მოხსენება გვ. 5 და სხ.

3) „Вѣстникъ Груз. экз. 1893 წ. № 9, გვ. 13
და ღვ. თამარაშვილის ნაწერები: „ისტორია კათოლი-
კობისა“ და „პასუხად სომხის მწერლებს“.

4) „Вѣст. Груз. Экз. 1893 წ. № 9, გვ. 13
და ღვ. თამარაშვილის ნაწერები: „ისტორია კათო-
ლიკობისა“ და „პასუხად სომხის მწერლებს“.

5) „სახალხო გაზეთი“ 1914 წლის №№ 1146.
1:80, 81, 111187 სხვა. 11დ82, 1186,

თუ ქალაქის საქმეებიდან გვერკევიან, არა
მედ ტერიტორიასაც კი გვედავებიათ, რო-
გორც ამაზე ამას წინათ „სახალხო გაზეთ-
შიაც“ იყო მოახროპილი.

დიახ, ჩვენი გულგრილობა და შეუგნებ-
ლობა გასაკვირებელი იყო და არის, და
ამასაც ზედ ერთკის ჩვენი ვადამეტებელი სტუ-
მართმოყვარობა და გულკეთალობა. სტუმრის-
თვის,

არას დავიშურებთ. გრაფინია
უფაროვისა მოგვითხრობს, რომ ფშავებესურეთ-
ში სიძველეთა დამცველებათ არიან ხევისბე-
რები, რომელნიც აქამდის იცავდენ მათ დიდის
სიფრთხილით. უკანასკნელ დროსკი იქაურ
ეკლესია საჯვაროებში დაიწყეს ბატონ პატრო-
ნობა ღვდლებმა, რომლებიც არაფრით არიან
დანიტერესებულნი, არაფერს არ აფასებენ და
თავის წყმსურ დანიშნულებას არ შეესაბამე-
ბიან. „სოფელ უკანაფშავის ღვდელი, რომე-
ლიც ჩვენ გვახლდა, განაგრძობს უფაროვისა,
ეკლესიის სიძველეთაგან მოგვცემდა ყველა-
ფერს, რაც უნდა მოგვეთხოვა. მან აიღო ერთ
ეკლესიაში შენახული პატარა სპილენძის ზარი
და უთავაზა ჩვენთან მყოფ მხედარს (სტრაე-
ნიკს), მისი ცხენის დასაშვენებლათ 1).

ერთხელ, საქართველოს ექსარხოზმა ნი-
ონმა გადმოგვცა გრაფინია უფაროვის ნაამ-
ბობი ქართველების გულგრილობის დასასაბუ-
თებლათ. უფაროვისას მარტვილის მონას-
ტერში სიძველეთა დათვალიერების დროს
გადასაყრელათ მომზადებულ კუთხეში მი-
ყრილ ნივთებში უნახავს ერთი პატა-
რა, მარა მეტათ ძვირფასი ხატი ღვთის
მშობლისა. გაწმენდა-გასუფთავების შემ-
დეგ, ჩაუბარებია იგი ბერებისთვის და თანაც
უთხოვნია, რომ გაფრთხილებოდენ ამ ძვირ-
ფას და იშვიათ ხელოვნებით გაკეთებულ ხატს.
მარა მის გაცვიფრებას საზღვარი არ ქო-
ნია, როდესაც რამდენიმე წლის შემ-
დეგ, ეს ხატი მას უნახავს ერთ ძველ ნივ-
თების კოლექციონერთან მოსკოვში. ამას

1. გრ. უფაროვისა, Кавказъ. Путевыя замѣт-
ки. ნაწ. III, გვ. 226 მოსკოვი 1901 წ.

გრაფინია, რასაკვირველია, მოუთხოვრებდა საქართველოს ეგზარხოსს ქართველების დაუდევრობის, შეუგნებლობის და ველურობის დასამტკიცებლათ და არა კოლექციონერების და მისთანათა მკარცველობის დასაგმობათ, რადგან თვითონაც არ იყო უკოდველი ამნაირ მკარცველობაში, თუ კი სადმე რამეს ზაიგდებდა ხელში 2).

ვინ არ იცის გენერალ ლევაშოვისგან გაცარცული გელათის ძვირფასი სახარება 3), ოქრო-ვეცხლით ქსოვილი, ნაკერი და ძვირფასი ქვებით შემკული შესამოსლების წაღება დასაკუთრება? ზეოხსენებული კომისისგან შედგენილი გელათის და მოწამეთის ქონებათა აღწერილობაში მოხსენებულია, რომ მას ეს შესამოსლები დაუწვავს ოქროს გადასადნობლათ 1). ვინ არ იცის გამარცული ხატების ისტორია 2).

ქართველთა კულტურულ ნაშთთა შემუსვრას და განადგურებას გულმოდგინეთ ეწეოდნენ ისინიც კი, ვინც ჩვენს ეკლესიას მზრუნველათ მოუვლინა დროაა ვითარებამ. გნებავთ ამის დამტკიცება? მოისმინეთ.

ამბორი.

2) მაგალითათ, სვანეთიდან მას წაუღია ერთი ძვირფასი ხატი და ამის შემდეგ სვანები ძალიან უნდობლათ და გაფრთხილებით ეპყრობიან არქეოლოგურისტებს, განსაკუთრებით კი მოგზაურ ქალებს /მ. ნ. ილიინა, Шъздка въ Сванетію გვ. 39 პეტერბურღი 1913 წ.

3. Церк. Вопросы въ Россіи г. в. 95.

1. იხ. ამ მონასტრების არხივი; აღწერილობა 1874 წლისა. ეგვენი მარკოვი მოწმობს, რომ მთელი იმერეთი აშფოთებული იყო ლევაშოვის მოქმედებით მისგან ჩადენილი მკვრებლობით. ავტორს ვერ წარმოუდგენია, რომ რუს-ადმინისტრატორს ჩაედინოს ამნაირი სისასძაღვე და მეტათ გაზვიადებულათ მიაჩნია ეს ბრალდება, ცდილობს რამდენათმე მაინც გაამართლოს ეკლესიის მკრუნველი ბარბაროსი, ძვირფას ისტორიულ ნაშთა გამანადგურებელი ადმინისტრატორი. მარკოვი. Очерки Кавказа, გვ. 281—285, 1887 წ., მარა ამოთ, რადგან ფაქტები ნათლათ ამტკიცებენ ამას.

2. Церк. Вопросы въ Россіи გვ. 97—98. იმერეთში მოგზაურობის დროსაც ჩემის თვალთ მიჩანავს ეს გამარცული ხატები და მონასტრის ძმებს აუხსნიათ ჩემთვის მათი გამარცვის ისტორიაც.

შენიშვნა რედაქციისაგან.

„განთიადის“ № 1-ში დასტამბულ ბ. იაკ. ფანცხავას წერილის გაგძელება „იძულებითი განმარტება“, რედაქციისაგან დამოუკიდებელ მიზეზის გამო (სტამბაში) დაიკარგა და ხელმეორეთ გადაწერილ დენდიდან ეს წერილი შემდეგ №-ში დაისტამბება.

რედაქცია.

პ რ ი ბ ი ჯ ა.

ბაკეი. რეკორტ დიდი ეროვნული ძეგლისანი. (ჯაკაის ნაწერები, ზირველა და მეორე წაგნი. ი. შანსგეტაშვილის გამოცემა. 1913 წ.)

აკაკის ქართველი საზოგადოება და ხალხი, აგრეთვე ინტელიგენცია და მოსწავლე ახალგაზღვობა აღძერთებს. ქართველი მანდილოსნებიც მისდამი ღრმა სიკვარულით და უზომო პატივისცემით არიან გამსჭვალულნი. მკაცრი და უღმობელი კრიტიკა ვერ უბოვის მას და მის ნაწარმოებს ვერავითარ ნაკლს, ვერავითარ ხინჯს ამ დიდათ მოსიყვარულე გულის, იშვიათი ტემპერამენტის პატრონს ივერიელს, რომელმაც ნახევარ საუკუნეზე მეტი იღვაწა და იღვწის დღესაც ეკლით და ნართით მოფენილს ჩვენი სამშობლო ლიტერატურის ასპარეზზე.

აკაკი გასული საუკუნის სამოციან წლების მწერალთა გუნდს ეკუთვნის და ამ მწერალთა შორის მას უჭირავს უპირველესი ადგილი. ვითარცა ლირიკოსი იმას საქართველოში ბადალი არა ყავს და თავის შესანიშნავი ტალანტით, სიღრმით, ძლიერებით და სინაზით მას უთანასწორდებიან მხოლოდ ორი დიდი ივერიელი—შოთა რუსთველი და ნიკოლოზ ბარათაშვილი.

როგორც პროზაიკი, აკაკი ძალიან დიდი მხატვარია ცხოვრებას, ადამიანთა სულის და გულის ღრმა მკოდნე და ყველგან თვის ნაწარმოებში იძლევა დახატულ ხასიათებს და ტიპებს, რაც შეადგენს ხელოვნურ ნაწარმოებათა დიდს სამკაულს ყველგან და ყოველთვის.

აკაკი წმინდა, ნამდვილი, ხალასი რეალი-
სტია. ცხოვრების ყოველდღიურ ამბავს, ფაქტს
იგი უყურებს პირდაპირ, წინდაწინვე დაუმზა-
დებელის აზრით და ხატავს ამ ფაქტს გაუზვია-
დებლათ სწორეთ ისე, როგორი ჩაბეჭდილე-
ბაც ამ ფაქტმა მოახდინა მასზე, რასაკვირვე-
ლია, საკუთარი შემოქმედობითი ტალანტის
განცლით. მგოსანი-მხატვარი ყოველთვის თა-
ვის სურვილებს და იდეალებს, თვისი გრძო-
ბა-გონების ძალებს უთანხმებს ცხოვრების
ფაქტებს ხოლმე და ასე ქმნის იგი თვის ნა-
წამროებს. ამასთანავე ზომიერება არსად არ
ლაღატოვს აკაკის და, ამიტომაც, იმისი ნამო-
ქმედარი არას დროს არა ღლის ადამიანს.
პირ-იქით, იწვევს სიცოცხლეს, ხალისს და სი-
ამის მომგვრელ ნეტარებას. ამიტომაც, ქარ-
თველ მწერალთა შორის აკაკის, მიუცილებ-
ლათ, უპირველესი ადგილი უჭირავს და დი-
დათ თავმოსაწონებელი მწერალი-მოღვაწის სა-
ხელიც აქვს გავარდნილი ქართულს, რუსულს
სომხურს, პოლონურს და საზღვარგარეთულს
ლიტერატურაშიაც...

აკაკი დაიბადა დაბა საჩხერეში „გიჟმაქი
ხევისწყლის ჩიხურას პირათ მდებარე ორ სარ-
თულიან ქვიტკირის სახლში*) 1859 წელს, 9
ივნისს, განთიადისას. მგოსანი ამბობს, რომ
ნათქვამიაო: ადამის შვილი გაჩდება, თუ არა
ქვეყნათ, მისი ბედის ვარსკვლავიც მაშინვე
ცაზე იქედებაო, წინასწარის ზედწარწერთო!
თუ ეს მართალია, ექვი არ არის, რომ ჩემს
ვარსკვლავზე შემდეგი შაარი წერებულა:

ერთი რამ ცხოველი არის,
ხმას აწვდენს შორით შორსაო,
თავისთვის ჩოჩორს აკეთებს,
სხვისთვის-კი კაი ჯორსაო“

მამა მგოსნისა, თავ. როსტომ წერეთელი,
შინა კაცათ იყო გაზდილი და მარტო ის
იკოდა, რაც მის დედას ესწავლებინა. მთელ
მის სისოცხლეში თვითნებობა და ახირებულო-
ბა ზნეთ ქონდა გადაქვეული. ძალიანა სძულ-
და ნადირობა, ეჯავრებოდა აქეთ-იქით სიარუ-
ლი და სულ სახლში იჯდა. ხშირათ ამბობდა

ხოლმე; „კაცი სიმშვიდისა და მოსვენებისთვის
არის გაჩენილიო.“ არც თუითონ შრომობდა,
არც სხვასაწუხებდა. უყვარდა ძილი, პირის გემო
იკოდა, უყვარდა კარგათ, ღონივრათ ჭამა და იმას
ძიხობდა: „არიქა, მშვიერი არავინ დარჩეს სახლ-
ში, დიდსა და პატარას, ყველას საყოფათ აქა-
მეთო“. ბუნებით ნამეტანი კეთილი იყო, შუ-
რი და ბოროტება, არ ესმოდა, რა იყო; მა-
რა უცბათ გულის მოსვლა კი უბრალო რა-
მეზე იკოდა.

თ. როსტომი ოჯახის საქმეში არ ერეო-
და, —სულ აკაკის დედის ხელში იყო. მარა
ქმრის ხასიათის ახირებულობა ხელს უშლიდა
კნენას და ამ ორს, სრულიათ ერთმანეთის
წინააღმდეგ ბუნების მექონ ადამიანთ, ხშირათ
ქონდათ ერთმანეთში საყვედური. კნენა ხში-
რათ ეტყოდა ხოლმე ქმარს: „შენი ცოდვა
მიეცეს, ვინც შენ აგრე გამოგზარდა“. სასახ-
ლეში ვაჟბატონი მაინც ყველას უყვარდა,
ვიდრე ქალბატონი. საკვირველიაო, ამბობს
აკაკი, მრისხანე დედა-ჩემს არ უყვარდა არა-
ვის დასჯა, მხოლოთ სიტყვითა და შუხედუ-
ლობით იყო საშიში. ხშირათ იპატივებდა
ხოლმე მამიჩემისგან გულმოსულობით გაწი-
რულს, მარა მაინც ყველა მრისხანეთა თვლი-
და. მგოსანს მოაქვს ამის ბევრი მაგალითი.
მარა ჩვენ აქ ამაზე არ შევჩერდებით.

არავინ იფიქროს, რომ ასე აჩქარებული
გულის პატრონი თავ. როსტომ წერეთელი
მჩატე ჭკუის ყოფილიყო. იგი იყო ძლიერი,
ღრმა გონების ადამიანი, მოსწრებული და
დიდათ ენა მქვერი, თუმცა კი ხშირათ ენა-
მწარეც. დედა მგოსნისა ხშირათ იტყოდა
ხოლმე: „ამ ჩემ შვილებს მამამისის ენა გა-
მოყვათ, დახურდავებულიო“. ჩვენ ხუთი და-
ძმანი ვიყავითო, ამბობს აკაკი, ღვთის მად-
ლით, არც ერთს სუსტი ენა არა გვექონია და
აქედან შეგვიძლია ვიგულისხმოთ, თუ რა უნ-
და ყოფილიყო მამაჩემის დაუხურდავებელი
ენა. თუ გუნებაზე იყო როსტომი, მის ნახვას
არაფერი ჯობდა. „იმას რომ სწავლა მიეღო
და ცხოვრებაში გავითარება ქონოდა, შესა-
ნიშნავი ვინმე იქნებოდა“.

*) იხ. „ჩემი თავდასავალი“, აკაკისა.

დღიერი გონების და მეტათ მოსწრებულ
 ენის პატრონი რომ იყო მკონის შესა-
 ნიშნავი მამა, ამის მაგალითი აკაკის ბევრი
 მოაქვს, მარა მე აქ ერთსმოვიტან მხოლოდ.
 „ფოტოგრაფია რუსეთში ახალი შემოდებუ-
 ლი იყო. ჩემს მძას გადაეღო თვისი სახე და
 გამოეგზავნა. უწყება მოგვივიდა. მე გიმნაზია-
 ში მიმუქარებოდა და დავიბარე შინ: რომ
 დავბრუნდები, ფოსტიდან გამოვიტანთქო. მა-
 მაჩემს სულმა აღარ მოუთმინა და, თურქმე,
 თითონ წავიდა ფოსტაში. შევიდა, ნახა, რომ
 ყურათღება არავინ მიაქცია, მიიხედ-მოიხედა,
 სკამიც ვერსად დანახა, რომ დამგდარიყო.
 დვას ფეხზე სხვებთან ერთად და ფიქრობს
 გუნებაში: ეს რას ნიშნავს! სადაც შევდივარ,
 ყველგან დაბძანდის მეუბნებიან და სკამს მიდგ-
 მენ, და ეს კი ვილაც არის, ბუზადაც არ მაგ-
 დებსო! ფოსტის უფროსი ახალი დანიშნული
 იყო და მამაჩემს არ იცნობდა. მამაჩემმა ერთს
 ხანს იცადა და, ბოლოს, რომ მოთმინება
 დაკარგა, მივიდა და უთხრა:

— კიდევ დიდხანს გინდა, რ-მ მაცდევ-
 ვინო? მომეცი ჩემი ილიკოს გამოგზავნილი,
 თუ რამე იყოს, და გამისტუმრე.

— ილიკო ვინ არის? ეკითხება გაკვირვე-
 ბული ფოსტის უფროსი.

— ილიკო ვინ არის? ვინ არის და ჩემი
 შვილი, ხელმწიფე იმპერატორის მოსამსახურე
 — კანწიო.

— მე ვერ ვიცნობ.
 — ოხ, შენ თუ არ იცნობ, მაშ პური
 ველარ უკამია! იმ კაცს სასახლეში იცნობენ
 და შენ აქ, გინდ იცანი და გინდა არა.

— ყოველიფერი კარგი, მარა თითონ
 თქვენ ვინა ბძანდებიო?

— მე? თავადი როსტომ წერეთელი.
 — ვერც თქვენ გიცნობთ.
 — ახლა ხომ გეუბნები, ვინცა ვარ!
 — ეგ არა კმარა.
 — მაშ, ხატზე ხომ არ გინდა, რომ შე-
 მოგფიცო?

— ფიცი რა საჭიროა, წადით და მოწ-
 გობა მომიტანეთ.

— მოწმობა?! რისი მოწმობა?
 — მისი, რომ სწორეთ თავადი როსტომ
 წერეთელი ხართ.

— მერე და ვის უნდა გამოვართვა ეგ
 მოწმობა?

— პოლიციაში, კვარტალს.
 აქ მამაჩემმა მეტი შეურაცხყოფა ველარ
 აიტანა და სტაცა კისერში ხელი...

შეურაცხყოფილი ფოსტის უფროსი გა-
 იქცა საჩივრელათ პირდაპირ გუბერნატორ-
 თან. დაიბარეს მამაჩემი. შევიდა თუ არა ზა-
 ლაში, მაშინვე საყვედურით მიმართა გუბერ-
 ნატორს: მთელი ხმელეთი ხელში გიჭირავთ
 და კაცებს ველარ შოულობთ, თუ როგორ
 არის თქვენი საქმე, რომ ვილაც გიყებს და
 მასხარებს ნიშნავთ?

— როგორ! რა ამბავი იყო? რა ჩაგიდევ-
 ნიაო? ეკითხება გუბერნატორი.

— როგორ, თუ რა ჩამიდენია! დიდმა
 იმპერატორმა ალექსანდრე პირველმა დამა-
 მტკიცა თავად როსტომ წერეთლად, ნიკო-
 ლოზმა ხელი მოაწერა, ალექსანდრე მეორემ
 ბეჭედი დაუსვა, და ახლა, ეს ვილაც ოხერია,
 სამი დიდი ხელმწიფის მონიჭებულ წყალობას
 ისე მართმევს და მდის, თითქო მაგის შეყე-
 რილი ჩოხა ნაბადი იყოს! მეუბნება, რომ ეგ
 ყოლიფერი ჩაღადაც არ ღირს, თუ პოლიცი-
 აში არ წახვედი და იქ ხელახლა კვარტალმა,
 მაქსიმე მგალობლიშვილმა, არ დაგამტკიცაო.

— ეგ ყოველიფერი კარგი, მარა თქვენ
 რაღა უპასუხეთ?

— სპასუხო რა მქონდა? რისიც ღირსი
 იყო, კიდევაც მივანიჭე.

— მაშ აღიარებ, რომ შეურაცხყოფა
 მიაყენე?

— რას ამბობთ? როგორ თუ შეურაცხ-
 ყოფა? ჩემი საცინლად აგდება, რომ კიდევ
 ამეტანა, რა ნება მქონდა, რომ მთავრობის
 შეურაცხყოფა დამეთმო მაგისთვის?

— ხელი შეახეთ?
 — არა, ისე, კისერში წავავლე.
 — მეტი არაფერი?
 — როგორ არაფერი. გადმოვლუნე და

სამოდე ჯოხი ვზუზღე, ერთი ჩემი გაკიცხვისთვის და ორიც მთავრობის შეურაცხყოფისთვისო. ამას ისეთი გულმოსულობით ამბობდა, რომ ვერც თითონ გუბერნატორმა და ვერც მისმა ჩინოვნიკებმა სიცილი ვეღარ შეიკავეს. ბოლოს, როდესაც აღხსნეს მამაჩემს მისი შეცდომა, შეწუხდა, მიუბრუნდა იქვე მდგარ ფოსტის უფროს და უთხრა:—„შე, ცუდო კაცო, მე რა ვიცი ახალი რიგისა და წესებისა? რომ მნახე, შემოვედი ერთი უსწავლელი, ადამის ხნის კაცი, აგეხსნა ჩემთვის, რასაც ახალი კანონები გეუბნებიან, თვარა, მე შემოვდივარ ზრდილობიანათ, შენ-კი ისე მიბღვერ, თითქოს შენი მოსისხლე მტერი გყოფილიყო! სხვა რომ არა იყოს რა, ყმაწვილი ხარ, ჩემი ქადარისთვის მიანც უნდა გეცა პატივით. „ეს საქმე ბოდიშითა და მორიგებით ვათავდა“...

აქ უნდა შევწყვიტო შეენიერათ დახატული ადგილების მოტანა, რომელნიც ძლიერათ და საუცხოვოთ ახასიათებენ როსტომ წერეთელს, როგორც ჩვენი ძველი ცხოვრების წარმომადგენელს. აკაკიმ ორი კალმის მოს მით, ძლიერის კურთხეული მარჯვენა ხელის ერთი გაქნევით დახატა მთელი ტიპი მაშინდელი თავადიშვილისა, რომლის ბადალი ჩვენს ლიტერატურაში არ მოიძებნება. აქ არის თქვენ წინ დახატული მთელი მაშინდელი სიცოცხლით სავსე, დიდათ გულკეთილი, თან ქეშმარიტი, დაუშრეტელი, მჩქეფარე და მხიარული კილო როსტომ წერეთლის იუმორისა. ჩვენი დიდი მგოსნის ეს პროზაული ნაწარმოები არის დიდი და ღრმა, ქეშმარიტი და გულწრფელი შეენიერი დახატვა ჩვენი განვლილი ცხოვრებისა, რომელიც ასე გვენათესავება და ახლოა ჩვენზე, ყველა ქართველზე...

დედა მგოსანისა იყო დიდი ძველებური ოჯახის ასული. 1820 წელს, რუსის ექსარხოზის დროს, ქუთათელი და გენათელი რომ დაპატიმრეს და აჯანყება მოხდა, იმ აჯანყებულების მეთაურათ ითვლებოდა დიდი ივანე აბაშიძე, ახალციხეს მოკლული. ეს ივანე

აბაშიძე დიდი სოლომონ პირველის მეფის ასულის დარეჯანის შვილი იყო და მამა მგოსნის დედისა. აჯანყებულები რომ დაიმორჩილეს, ივანე აბაშიძის ოჯახი აიკლეს და მისი ცოლ-შვილიც სხვებთან ერთად ტყვეთ წაიყვანეს. გურიის უკანასკნელი მთავარი მამია გურიელი, ლეიძლი ძმა იყო ივანე აბაშიძის ცოლის. მამია გურიელი გამოესარჩლა დასა და დისწულეებს, მთავრობასთან იშვამდგომლა და ტყვეები, გარდა დარეჯან ბატონიშვილის ერთი უფროსი ვაჟისა, უკანვე დააბრუნეს გზიდან. ივანე აბაშიძის სახლობა დაბრუნდა, მარა ყმა და მამული ჩამორთმეული დაუხვდა, ოჯახი აკლებული და განადგურებული. საზრდო რომ არა ქონდათ, გურიის მთავარმა - მამიამ გადაიყვანა და ცდილობდა იმათი უზომო მწუხარების გაქარვებას. ყველაზე უფრო, თურმე, დასევდიანდა ჩვენი მგოსანის დედა, რომელიც იმ დროს 12—13 წლისა იქნებოდა. იმას, თურმე, სულ დარეჯან ბატონიშვილი აგონდებოდა, რომელიც შვილსავით ზრდიდა და ანებიერებდა, როგორც ყოველისფრათ შესანიშნავ ბავშვს. მამია გურიელიც განსაკუთრებულ ყურათღებას აქცევდა მგოსნის დიდათ ნიჭიერს დედას. იმ დროს, როგორც სხვა ყოველ ქართველ დიდ-ოჯახებში, მამა აგურიელის სასახლეშიაც თითქმის შინაკაცებათ ითვლებოდენ ფრანგის პატრები და დიდი გავლენაც ქონდათ ოჯახებზე...

ამ განათლებულმა ფრანგის პატრებმა აკაკის დედაზე დიდი ზედმოქმედება და გავლენა იქონიეს. იმათი მეოხებით მას შესწავლილი ქონდა მკურნალობა და მეურნობა. რაც კი იმ დროში ქართველ ქალს ხელიდან გამოუვიდოდა, ყველაფერი იცოდა ზედმიწევნით. იყო კარგი მწიგნობარი, მეოჯახე, მოხელე-საქნარე და მასთანაც კარგი აღმზრდელი. ცნობის - მოყვარობასთან შრომის-მოყვარობაც შეთვისებული ქონდა: დილას, მამლის ყვილზე რომ წამოდგებოდა, დაღამებამდი ფეხზე იდგა და უსაქმურათ კაცი ვერ ნახავდა. „სიზარმავე და უსაქმურობა დედა არის ყოველგვარ ბოროტებისო,“-იტყოდა ხოლმე

იგი და კეთილი საქმე-კი იგივე ლოცვა, ვედ-რებააო“. მოსამსახურეს ყოველთვის თვალ-ყურს ადევნებდა, რომ ცუდი არა ჩაედინა-რა. უსაქმოდ არავის გააჩერებდა. ყოველგვარ ხე-ლობას ასწავლიდა მათ და ზოგს წიგნსაც აკითხებდა. მაშინ, ბატონ-ყმობის დროს, ამ-გვარი ქცევა საარაკო იყო და მგოსნის დე-დის მოქმედებაც ზერს, რასაკვირველია, თვალ-ში ეჩხირებოდა. მკაცრობისა და მრისხანების სახელი ქონდა მას დედადნილი, რადგან თავი მძიმეთ ეჭირა. „ბრბოს თუ თავი გაუ-ყადრე, პირს შეგაჩვევს, აღარათ ჩაგაგდებს და, რაც უნდა ურჩიო, აღარ დაიჯერებსო“ — ამბობდა იგი. სასახლეში იმისი ყველას ეშინოდა და დიდი ხათრი და მორიდებაც ქონდათ. აკაკი წერს: მაშინ მეც ისე მეგონა, როგორც სხვებსო, რომ დედაჩემი ცივ გული და მრისხანე იყო, მარა გონებაში რომ ჩავხე-დი, მაშინ-კი გამოვიკვლიე სიმართლე. ის იყო ნამეტანი ჩვილი გულის მექონი და მოყვარუ-ლი, მარა დიდ ოჯახში ნამყოფი, დარეჯან ბატონიშვილის ვაზდელი და პატრების ნამო-წაფარი, განგებ პირ-ბადეს იფარებდა, მხო-ლოთ კეთილის განზრახვით. უნდა გენახათ მაშინ, როდესაც სასახლეში ავით ვინმე ვახ-დებოდა, გინდ უკანასკნელთაგანიცა!.. დღე და ღამ მოსვენება აღარა ქონდა და თავის ხელით უვლიდა, როგორც შვილს. ვაჭირე-ბულის დახმარება რჯულათ ქონდა დადგენი-ლი. სულ სხვებზე ფიქრობდა და სხვებისთ-ვის, თითქოს თავის საკუთარ პირადობაზე ხელ აღებული ყოფილიყო, მუდამ მწუხარე-ბაში იყო და ყოველ ფერიცვალეობა-დღეს მტი-რალი იჯდა ხოლმე. ამბობენ, ამ დღეს რა-ღაც ძველებური ამბავი აგონდებოდა...

აი, ვინ იყვნენ მშობლები ჩვენი ეროვნუ-ლი სიამაყისა და მისი დიდი ტალანტი, მაშა-სადამე, ჩვენთვის სანახევროთ მაინც ვაგებუ-ლია ახლა...

დაბადებისთანვე „კაკო“ (ბავშობისას აკაკის კაკოს ეძახდნენ) ძიძას მიაბარეს, სოფელ სავანეში, რომელიც ერთი საუცხოვო ად-გილთაგანია ჰაერით და მდებარეობით მთელ

საწერეთლოში. საჩხერიდან ამ სოფლამდი ნა-ხევარი საათის სასიარულო თუ იქნება. აი, აქ აიღვა ფეხი, ამოიღვა ენა პატარა „კაკომ“ და აქედანვე იწყება იმისი მახსოვრობაც. ყო-ველი სამუშაო და ხელსაქნარი სოფლელი გლეხისა, კაცისა და ქალისაც მუდამ თვალ-წინ უდგა კაკოს, თვალყურს ადევნებდა იმათ მუშაობას, ძალაუნებურათ მონაწილე ხდებო-და და სწავლობდა იმათგან ყველაფერს. ხუ-თი ექვსი წლის კაკომ კარგათ იცოდა პი-რუტყვის ყურისგდება, ფრინველის მოვლა, სადილ-ვახშმის მზადება, ვაცრა-გამტკიცვა, გა-მოცხობა, სხვა და სხვა გვარ შექამაღის მო-მზადება და სხვანი. შესწავლილი ქონდა, თუ როდის და როგორ უნდოდა: ხენა-თესვა, მკა, სხვა და სხვა. საჩხერლის და ლარის ხელიც ისე კარგათ იცოდა კაკომ, რომ ქალებიც ვერ ჯობნიდნენ. რაც შეეხება ათასნაირ სათამაშო-ებს, ამაში ხომ მთელი დღე აღამებდა კაკო წმინდა ჰაერზე მიღვრათ თავის ტოლ-ამხა-ნაგებში. ბურთაობა, შეილდ-კოდალობა, რიკტაფელობა, გადახტომ-გადმოხტომა, ხურვა სახლების და ბეღელ-სასიმიდე-წისკილების, ბოგირების აშენება, „ბატონობა“, ქორობია, ქალაქობია და სხ. თამაშობა იზიდავდა, რა თქმა უნდა, 5-6 წლის ნამდვილ ბუნების შეენიერს შვილს, რომელიც იყო ტან-მთელი, ყველას მოსიყვარულე და თავისუფალი, რო-გორც სამოთხის შვილი.

პოეტის დიდათ ცოცხალი, მოუსვენარი ბუნება ყანაში მუშებთან დიდხანს ვერ ჩერ-დებოდა და სულ სამწყესურში წასვლა, მიდვ-რათ და ტყეში თავის ტოლ-ამხანაგებში დარ-ჩენა მისთვის ნამდვილი სამოთხე იყო. გათენ-დებოდა თუ არა, იგი, უქუდო, ფეხშიშველა მწყესებისკენ გარბოდა და დაღემებამდი იმათ-თან რჩებოდა. სამართლიანათ ამბობს ჩვენი მგოსანი, რომ „ყმაწვილი, რომელიც-კა სოფელში არ ვაზდოდა, ბუნებაზე სრულიათ მოსხლეტილიაო, ის არის მოკლებული ჯიბრ-ველეს ბედნიერებას. მგოსანი აღარებს ქა-ლაქში ვაზდოდა და სოფელში აღზრდილს და პირდაპირ გენიოსურ აზრებს გამოსთქვამს

ერთის კალმის წვერის გაქნევით... „სოფელის თვალ წინ უღვას ყოველთვის ბუნება, მისის სხვადასხვა ფერობით, გაცნობილი ყავს ყოველგვარი ოთხფეხი, ფრინველი, ქვემძრომი, მწერი, მცენარე და იცის მათი ზნე და ჩვეულება; მის თვალწინ იბადება, იზდება, იშლება, იფურჩქნება, აყვავდება, მოაქვს ნაყოფი და კვდება, — ყველა მათგანის ქირისა და ღვინის თანამოზიარება და, ამიტომაც, ეთვისიანება მათ. რომელ მხატვრობას შეუძლია გადასცეს ბავშს ის, რასაც სოფელში მყოფი თავის თვალთ ხედავს“?..

რომ სიტყვა აღარ გავაგრძელოთ, წერს მგოსანი, მოკლეთ ვიტყვი, რომ სოფელში გაზდილი და ქალაქში მყოფ ბავშებს შუა ისეთი განსხვავებაა, როგორც ნამდვილსა და მის აჩრდილს შუა. ეს უბედურება ბედმა თავიდან ამაკდინა მე და ექვსი-შვიდი წლის ნამდვილი ბუნების შვილი ვიყავიო...

პატარა კაკო რომ სოფელ სავანიდან გამოიყვანეს სასახლეში დედ-მამასთან საცხოვრებლათ, იგი პირველ ხანებში ძალიან მოწყენილი იყო. მარა დედამ მაშინვე მიუჩინა მას პატარა, თავის ტოლა ბიჭები და იმათთან დიდიდან საღამომდის სულ მიდორში დარბოდა. საღამოს სახლში ბიჭები მოყვებოდნენ ხოლმე ზღაპრებს, ზღაპრების შემდეგ ყმაწვილები ერთმანეთში გაშაირდებოდნენ, მერე კი გამოკანებს, ანდაზებს და ჩქარა გამოსათქმელ წინადადებებს ამბობდნენ. მგოსნის დედამ ამ ბიჭებს შეაჩვია ნელ-ნელა საზეპირო ლოცვებიც. კაკომ დედისგან ერთი თვის განმავლობაში ისწავლა: „მრწამსი“, „მიწყალო“, „მამაო ჩვენო“, „წმიდაო ღმერთო“ და სხვა. კაკო ისე წათამამდა, რომ წერა-კითხვის სწავლაც მოინდომა, მარა დედამ უთხრა: ჯერ ბრიყვი ხარ და არ შეგშვენის წერა-კითხვაო; როცა დაჰკვიანდები და ხსიათიც კარგი შეგექნება, მაშინ გასწავლი, თვარა ჯერ შენ რა ღირსი ხარო... ამ სიტყვებმაო, ამბობს აკაკი, სულ ცეცხლი მომიკიდეს და ვცდილობდი დაჰკვიანებას, რომ ჩემს ძმებსავით მეც წერა-კითხვის ღირსი გამხდარიყავი. მხარბებოდა,

სხვები რომ კითხულობდნენ და, ბოლოს, ჩემმა ბედმაც გასჭრაო. ერთხელ ჩემი უფროსი ძმა ღვდელს მოეხმარა და წირვაზე შეენიერათ წაიკითხა; „სამოციქულო“. ნაწირვეს დიდ და პატარა ყველა მის ქებაში იყო.

მე კი მხარბებოდა და გულიც მწყდებოდა. ერთმა გლეხმა შეითხა: „შენ როდის-ღა წაიკითხავო?“ ჩემ მაგიერათ მეორემ მიუგო: „როდინობის კვირეშიო!“ მიხვდი, რომ დამცინოდნენ და მეწყინა. იმ დღეს ჩემ უფროს დას კალთა დაეგლიჯე ხვეწნით: კითხვა მასწავლე მეთქი. იმანაც დამარიგა, დედამ არ გაგიგოსო და ჩუმათ დამაწყებინა კითხვა: მოკლე ხანში ან-ბანიც ვისწავლე და ამოსაღებიც დავიწყე. „თუ აგრე კარგათ და გულმოდგინეთ ისწავლი, მალე სამოციქულოსაც დაგასწავლი და საყდარში წაგაკითხებო, — მეუბნებოდა ჩემი და, — დედას ძალიან გაუკვირდება და მოგიწონებსო“. მე ამ იმედით წახალისებულს, დღე და ღამ მეტი აღარა მეფიქრებოდა რა. რა ვიცოდი, თუ ეს დედი ჩემის ხერხი იყო, რომ წერა-კითხვა შემეყარებოდა! აი, ამნაირმა დედის წინდახედულობამ კაკოს წიგნის კითხვა ძალიან შეაყვარა და ერთ წელიწადსაც არ გაუვლია, რომ იგი ღვდელს ეხმარებოდა...

რამდენასამე წლის განმავლობაში ხუცური ზედმიწევნით ვიცოდი; მხედრული ჩემით ვისწავლე, ანბანის წერა ბეჭზე დავიწყე. რუსული კითხვა დედა ჩემმა მასწავლა, მარა სიტყვები კი ბევრი არც დედას ესმოდა და არც მე. ერთი ძველი, მოსკოვში დაბეჭდილი „რაზლოვორი“ გვექონდა და იმას მაზეპირებებოდა ხოლმე. დედა ჩემი სულ იმას ფიქრობდა, რომ ჩვენ უსაქმოთ არც ერთ წამს არ დარჩენილიყავით და სწორეთ რომ ახირებულათ გვზდიდა. სულ ფეხ-მიშველა და თავ-მიშველა დავბოდიშთ მიდორში, არც სიცივნების გვეშინოდა, არც შიმშილის. „კაკო ისე უნდა იყოს დაჩვეული ბავშობიდანვე, რომ ცხოვრებაში ყოველიფერი აიტანოსო“, იტყვოდა ხოლმე დედა ჩემი და, მართლაც, რომ მისი რჩევა ბოლოს გამოგვადგა. აკაკიასწერს,

თუ რანაირათ ზდიდა ბავშებს სოფელში მგოსნის გათქმული მშობელი დედა და დღეს როგორ აღამებდენ. ნამდვილ სპარტანულათ გვზდიდნო, ამბობს მგოსანი. „არ გვარიდებდენ, არც სიცივეს, არც სიცხეს, არც ღარს, არც ავდარს. დილ-დილობით ცვრიან ველზე ფეხშიშველას უნდა გვერბინა. პირველი თოვლი რომ მოვიდოდა, ფიფქზე რამდენჯერმე უნდა გაგვერბინ-ვამოგვერბინა; დასოვლებული და სიცივისგან გაქარხლებული ფეხები ცეცხლზე უნდა შეგვეშრო. დარწმუნებული ვიყავით, რომ ამით ტან-მთელია მოგვემატებოდა. ახალ გაზაფხულზე რომ წვიმა მოვიდოდა, ჩვენ სახლის ღარს თავს უშვერდით, რომ ოქროს ხუჭუჭი ამოგვსლოდა.“

კაკო რვა წლისა არ იყო კიდევ, რომ მას თავშესაქცევარი ყოველგვარი თამაშობა მოწყინდა და უფრო სხვა საფიქრებელს გადაყვა. ამის მიზეზი იყო „ვეფხისტყაოსანი“, ამბობს მგოსანი. წაიკითხე თავიდან ბოლომდე და, თუმცა ზღაპრული მხარის მეტი არა გამოიგია რა, მარა მაინც ძალიან გატაცებული ვიყავი. იმას მივაყოლე სხვა საკითხებიც და მთელი ქრისტომატია, ჩუბინაშვილისგან პეტერბურგში გამოცემული, რამდენჯერმე გადავიკითხე. ამას გარდა, ერთხელ ქალაქიდან ჩამოგვიტანეს ამბავი, რომ „გლუხარიჩმა“ კომედია დაწერაო და ვარანცოვის სასახლეში ითამაშესო. ამ ამბავს გულმოდგინეთ ვუგდებდი მე ყურს და, ბოლოს, თითონაც მოვინდომე, რომ იმგვარი რამ კითხვა — მიგებითი დამეწერა და, მართლაც, აწვირე შინაურობა, მაგალითად, როგორ აწვალებდა ჩვენი მოურავი ხალხს, მერე ბატონს აბეზლებდა; ბატონიც მოთმინებიდან გამოდიოდა, და ჯავრობდა და სხ. და სხ. ეს ბავშური სცენები სასახლეში სულყველას მოეწონა, გარდა მოურავისა, რომელიც გულმომსული ამბობდა: „ჩემი დაცინება არაფერია, მარა ვნახავთ, თუ ამ ყმაწვილმა მთელი ქვეყანა არ გადიმტეროს და ნუ აქეზებთო“. ეს ჩემი პირველი ნაწარმოები დედა ჩემს, თურმე, შეენახა და, რუსეთიდან რომ დავბრუნდი, მიჩვენა. მე სიბრიყვე

მორეულმა ვიუკადრისე, გამოვართვი დედას, დავხიე და ცეცხლში ჩაყარე. დედა ჩემს ძალიან ეწყინა და მისაყვედურა. მარა ხომ ვეღარ გავამთვლებდი.

რვა წლის რომ შეიქნა კაკო, იგი სოფელს, შვენიერს საწერეთლოს არე მარეს მოაშორეს და ქალაქ ქუთაისში გადმოიყვანეს. „აქ თავდება ჩემი ბავშობის პირველი ხანა ბენდიერი, ნაყოფიერი და დაუფიწყარი. აქიდანვე იწყება მეორეც: შტანჯავი, დამზავრელი და გამაუკულებარებელიო“.

სამძლეი.

(შემდეგი იქნება).

მწიგნობრობის თანამგზავრი.*

(„Газетный миръ.“ И. В. Волынского).
(წერილი პირველი).

ზემო ამოწერილ რუსულ წიგნს ქართულათ მე მწიგნობრობის თანამგზავრი მისთვის უწოდებ, რომ იგი ამ დარგში ყოველ თეორეტიულ-პრაქტიკულ მოღვაწეს თანამგზავრობას გაუწევს, მისთვის გზის მაჩვენებელი, მისამართის მიმწოდებელი არის მთელი რუსეთის კულტურულ, სამწიგნობრო დაწესებულებების და როგორც ასეთი, იგი ყოველ ქართველი მწერლის, პრაქტიკულათ მომქმედ მწიგნობრისათვის ერთი საჭირო და სასარგებლო წიგთაგანია. აი ამიტომ ვაცნობ მას ქართველ მკითხველს, რომელიც, იმედია, არ გვისაყვედურებს მწიგნობრის ასე ვრცელ წერილებისთვის.

ვოლფსონის უკანასკნელი, მეორე შანდელი გამოცემა შეიკავს ცხრა განყოფილებას, რომელთა შორის ჟურნალ-გაზეთების საქმეს უკირავს ამ წიგნის ნახევარი ალაგი.

* ეს წერილი თვითრათ გამომაველ ჟურნალ „განთიადის“ პირველ №-სთვის იყო გამზადებული, მაგრამ იგი დღემდე ვერ დაისტამბა, რადგან ეს ჟურნალი მისი დამარსებლისაგან, ნიეთიერ უსახსრობის გამო, წელწადია რაც შეჩერებულია და დღეს განახლებულ ცხოვრებას იწყებს, ავტორი.*

პირველ განყოფილებაში ჩამოთვლილია რუსეთში ყველა ენებზე გამომაფალი პერიოდული გამოცემები. პირველ გამოცემასთან შედარებით, ეს განყოფილება ვაცილებით მომატებული და შევსებულია. იგი იძლევა ცნობებს 2167 პერიოდულ გამოცემების შესახებ, რომლებიც გამოდიან რუსეთის 246 ქალაქებში, 33 სხვადასხვა ენაზე. აქ პერიოდული გამოცემები აღნიშნულია ანბანზე და ქალაქებიც აღფავეტიურ რიგზეა ჩამოთვლილი და ნაჩვენები: რომელ ქალაქში რა გამოცემა გამოდის და რომელ ენაზე.

აქ შემდეგნაირად რუსეთის დღევანდელი სატახტო ქალაქი პეტროგრადი და ძველი მოსკოვი თავში მოუქცევია, რადგან ამ ორ ადმინისტრაციულ უმთავრეს ცენტრებს უჭირავს გონებრივ-კულტურულათააც პირველი ალაგი. ამ ვეებერთელა ქალაქში ტრიალობს და მოქმედობს მთელი რუსეთის საუკეთესო გონებრივ-კულტურული ძალები და მათი გამოშნატველი კულტურული დაწესებულებებიც აქ ყველაზე მეტი და უმჯობესია.

პეტროგრადშია, მაგ. ყველაზე გავრცელებული რუსეთის ბიუროკრატიის სულისკვეთების გამოშნატველი, მთავრობის მესაიდუმლოე დიდი გაზეთი „ნოვოე ვრემია“ თავის კაპიტალისტურ ნიადაგზე მოწყობილ სტამბით ერთელებს ქუჩაზე და საუკეთესო წიგნის მაღაზიით ნევისკი პროსპექტზე. აქვეა უმთავრესი მმართველობა სუფორინის სააკციონერო გამოცემელ ამხანაგობისა, რომელიც ყიდის და ავრცელებს რუსეთის და უცხოეთის ჟურნალ-გაზეთებს და წიგნებს რუსეთის ყველა უმთავრეს რკინის გზის „საფებში“, რომლებიც მას ყველგან იჯარით აქვს აღებული.

აქვე გამოდის სატახტო სხვა დიდრონი ჟურნალ-გაზეთები: კადეტების „რეჩი“ და „სოვრემენოე სლოვო“, მშრომელთა ჯგუფის ახალი ორგანო „დენი“, ცნობილი გამოცემლის პროპერის „ბირჟევი ვედომოსტები“, „პეტროგრადის კურიერი“, „პეტროგრადის გაზეთი“ და სხ. აქ დაიბადა პირველათ პატარა საქმე გაზეთ „კაპეიკას“ გა-

მომცემლობისა, რომელიც დღეს ამ გამოცემლობის ფორმით დიდ სააკციონერო საზოგადოებათ გადაიქცა და მისი გამოცემები მთელ რუსეთს ასი და ორასი ათასობით ეფინება. პეტროგრადის გამოცემლობა „კაპეიკა“ იმდენათ ხელსაყრელი და სარფიანი შეიქმნა მის დამწყებთათვის, რომ გარდა ამ ფირმის ზრდა-წარმატებისა, ამგვარივე კაპეიკიანი გამოცემები მრავალ სხვა ქალაქებში დაიწყეს, მაგ. მოსკოვში, ოდესაში, ეკატერინოსლავში, კიევში და სხ. ამგვარი გამოცემები მიმბაძველობით კავასიდან თფილისშიაც კი სინჯეს, მაგრამ ისინი საკუთარ ქალაქის ბაზარს ვერ გაშორდნენ, ზოგი უკვე ჩააკვდა და ზოგიც მილოლიალობს, როგორც მაგ. უშინაარსო 2 კაპ. „Имякъ Тифлиса“, გაზეთი, რომლის გავრცელება დღეს „ზაკ. რეჩი“-ს და „კავ. სლოვოს“ ჯინაზე თფილისელმა კონტრაგენტმა ნასყიდოვმა ქუთაისში დაიწყო კანტორა „იმერეთი“-დან გაცეულ მკარცველ მეგაზეთეების (მიხა ჭეიშვილის და სხ.) საშვალებით.

პეტროგრადში გამოდიოდა და დღეს ომის დროს საცენზურო პირობების გამო შეწყდა გამოსვლა ესდეკურ მიმართულების ჟურნალ-გაზეთებისა. ასეთები იყო დღიურ-კვირეული გაზეთები მეუმკირსე—მეუმრავლესეთა ფრაქციებისა: „ლუჩი“, „რაბოჩიაა გაზეტა“, „პრავდა“, „ბარბა“, „ნაშა-ზარია“, „პროსვეშჩენიე“ და სხ., რომელთა ხელმძღვანელები დღესაც მრავალნი სხედან ციხეებში და 129 მუზ. ძალით მისჯილ სასჯელს იხდიან. დღეს შემარცხენეთა პირწმინდა ორგანოებში, მხოლოდ ერთიდა „ნაშა-ზარია“ კაჟანობს რომლის საინტერესო მე № 7, 8 და 9 წასულ თვეში გამოვიდა.

პეტროგრადშივე გამოდის უხუცესი ჟურნალები ეგრეთ წოდებულ „ნაროდნიკებისა“ და მონაროდნიკე ლიბერალურ ინტელიგენციისა ძველის ძველი „გესტიკ-ვეროპი“, „რუსკოე ბოგატსვო“, რომელიც ახლახან დაიკეტა და მის მაგიერათ გამოდის „რუსკია ზაპისკი“, პ. სტრუვეს „რუსკიაა მისლი“, „ისტორიჩეს-

კი ვესტნიკი“ დღეს მარქსისტულ ორგანოთ ქცეული „სოფრემენი მირი“, „ობრაზოვანიე“, ესერული „სევერნიე ზაპისკა“, მხატვრული ხელოვნების ფაქიზი გამოცემა „პრობუჟდენიე“, ცნობილი გამომცემლობა მარქსისა მეტათ გავრცელებული საკვირაო ჟურნალი „ნივა“; იურიდიული გამოცემანი: „პრაქტიკულიმედიცინა“, - ვ. ეტინგერისა „Огандек ხ, ვო“, „ვესტნიკ პრავესი“; საბავშვო: „პუტევოდნი ოგანიოკი“, „ზადუშენოე სლოვო“, „იუნაია როსია“, „დიტსკი მირ“, „სოლნიშკო“ „მალიუტკა“, (მაიაკი) და სხ. ამგვარი.

პეტროგრადშივეა საუკეთესო გამომცემლობა და წიგნის მალაზიები: სუვორინისა, ვოლფის, მარქსის, გრანატის, კირხნერის, ზნანისი, ტრუდის, პრობლემასი, ნაუკასი, პოპოვასი, კარბასნიკოვის, გლაგოლევის, ფალბორკის და ჩარნოლუსკის, სკირმუნტის, ბიტნერის-ჟურ. „ვესტნიკ ზნანისი“ ფართე და სამეცნიერო მისი პოპულიარული გამომცემლობა, პ. სოიკინისა და მრავალი სხვები.

პეტროგრადში გამოდის პროპერის გამომცემლობის ფირმით დღეს ასე გავრცელებული საკვირაო ნახატებიანი ჟურნალი „ოგანიოკი“, რომლის ტირაჟი დღეს გაორკეცებულია, რადგან შიგ ისტამბება ყველა მეომართა (დაქრილ-დახოცილთა) სურათები და ბრძოლის ველის მიდამოებში, მებრძოლთა შეტაკება-დაჯახების, საომარ იარაღების, გემების, ზარბაზნების, მძიმე არტილერიის, ჯარების, დაქცეულ, აღებულ ადგილების და სხვათა სურათები. ეს ჟურნალი ათასობით ვრცელდება ყველა დიდრონ ქალაქებში, რადგან ყველა მასში ეძებს ბრძოლის ველზე წასულ თავიანთ შვილებს, ნათესავებს და ნაცნობ-მეგობრებს. ყველას უნდა იქაურ სურათების დანახვით მაინც შეიტყოს თავისიანის ავკარგი, რაკი სხვა გზით ძლიერ ძნელდება მეომრების ამბების გაგება. აი ამიტომ პროპერის „Огандеки“ გადაიქცა დღეს მთელი რუსეთის მკითხველი საზოგადოების საქმბარსახელმძღვანელო ჟურნალთა და მის მოსვლას ყველა გაფაციცებით ელის და ეწაფვის.

გამომცემლობის საქმეში ახლანდელ სისწრაფის გამო პროპერის გამომცემლობამ, მართალია, თავის ჟურნალის სურათების მხატვრული მხარე ცოტა დღეს დღეობით გააუარესა, მაგრამ მას ამ დარგში მეტოქეობას ვერც ერთი საკვირაო ამგვარი ჟურნალები ვერ უწევენ, თუმცა სილამაზის, ტეხნიკურათ მხატვრულ სიმშვენიერით დღეს პროპერის გამომცემაზე უკეთესი საკვირაო ნახატებიანი ჟურნალები გამოდის. ასეთებია „ლეტოპის ვანიი“, „ნედელია“, „ზარია“, „ოტეჩესტვო“ „სოლნცეროსიი“, „ჟიზნი სუდ.“, „ვეს მირი“, „ვეროპეისკაია ჟიზნი“, „დამატება ნოვოე ვრემიასი“, „ისკრი“ „თეატრი და ხელოვნება“, „რამპა“, „დამსკი მირი“, „მირ ჟენშინი“, „ჟენსკოე დელო“, „ჟურნალ დლია ხოზიაეკ“, „ჟურნალ დლია ჟენშინი“, „ჟენსკაია ჟიზნი“ და სხ. მისთ.

საანგარიშო წელს პეტროგრადში სულ 531 პერიოდული გამოცემები გამოდიოდა, ე. ი. 24,5⁰ მთელ რუსეთში გამოშვალ გაზეთებისა.

ამაზედ ნაკლები ალაგი არ უჭირავს რუსეთის მეორე ქალაქ - მოსკოვს მწიგნობრობა-გამომცემლობის საქმეში. აქ სხვა ქალაქებზე გაცილებით მეტი რედაქციები, წიგნის მალაზიები, სტამბები, ლიტოგრაფიები, ცინკოგრაფიები და სხ. მისთანებია. მოსკოვში გამომცემლობის საქმის ტონის მიმცემი სიტინის ამხანაგობაა, რომლის დღიური ორგანოა „რუსკოე სლოვო“, რომელიც, როგორც ქართველმა მკითხველებმაც უწყინან, ყველა დიდრონ გაზეთებზე გავრცელებულია მთელ რუსეთში. ქუთაისშიც იმოდენი არც ერთი სატახტო გაზეთი არ იყიდებოდა. აქ იგი კანტორა „იმერეთი“-ს და სადაგურის შკაფის საშვლებით 500-დი ცალი ვრცელდებოდა დღიურათ, თფილისში კი 2000—4500 ცალი. ასევეა ბაქოში, ბათუმსა, სოხუმსა და კავკასიის დანარჩენ ქალაქებში, სადაც კი სატახტო გაზეთები იყიდება. დღეს კი ამ გაზეთს დღევანდელ ომიანობის გამო პირვანდელ ელფერის შეცვლით მკითხველები უმცირ-

დება, მისი ტირაჟი კლებულობს, როგორც დიდრონ ქალაქებში, ისე პროვინციებში.

მარჯვნივ საგარეო მხარეებზე გადახრა რუსეთის ლიბერალურ-რადიკალური პრესისა, რომლებსაც მემარჯვენე ორგანოები; „ნოვ. ვრ.“, „ზემშინი“ და მათგანებში ომამდი მემარცხენე ორგანოებთან ნათლად დენ და მათაც რუსეთის ცხოვრებაში რევოლუციონერებად სახადენ, — დღეს ზოგიერთი მათგანის მიმართულია მემარჯვენეთ-უმარჯვენესთან გადაიქცა და მათი ფიზიონომია ახალნაირათაა შეცვლილი.

ეს სიმპტომატიური მოვლენაა რუსეთის დღევანდელი პრესისა, რომელიც, ექვი არაა დროისა და ომისაგან შექმნილ გარემოებებს ემსახურება, ხოლო მეორე დღიურ ორგანოს მოსკოველ პროფესორებისა „Русскія Вѣдомости“-ებს ამავე გარემოებებმა ელფერი ვერ შეუცვალა და დღევანდელ ომის მოვლენების გაშუქებამ მას პირველივე მკითხველები კი არ ჩამოაცალა, დიდძალი შემატა და თანისთან უმატებს კიდევ. თუ „რუს. სლოვომ“ საუარესოთ შეიცვალა ელფერი, სამაგიეროთ მისმა მოსკოველმა უხუცესმა თანამოძმემ საუმჯობესოთ გარდაქმნა იგი და თან შესცვალა პერიოდულ გამოცემების ტრადიციულად გამოშვებულ-დამყარებული წესები, ორგანიზაცია გაზეთის გავრცელებისა; წინანდელი კაბინეტურათ ამ საქმის წარმოება შესცვალა ამერიკულ სასტიკ-მაზე წარმოებით, ე. ი. სისწრაფით, ფარ. თოთ მის გავრცელებას მიაპყრო მეტი ყურადღება. ამასთანავე იგი პროვინციელ აგენტებს სხვა გაზეთებით აღარ ზღუდავს გაუყიდავ გაზეთების განსაზღვრული 5, 10, 15 პროცენტების მიღებით. პირიქით უგზავნის მათ ყველა გაუყიდავ №№-ების უკან დაბრუნებით, მიღებით.

გაზეთების გავრცელების ახალნაირმა სისტემამ „რუს. ვედომოსტებს“ გაუთქვეცა და ზოგან გაუთქვეცა დღიური ტირაჟი. მაგ. ომამდი იგი კანტორა „იმერეთის“ — ს სავალ-ლებით 10-15-20—დი ვრცელდებოდა ქუ-

თაისში, ხოლო დღეს აქ იგი 120—150 ცალი გადის და საგულეებელია მისი უკანასკნელი ტირაჟი სამერისით გავრცელებული და თუ ეს ფაქტად გადაიქცა, მაშინ კანტორა „იმერეთი“ ხსენებული გაზეთის მკითხველებისათვის მის ბინებზე დატარების, მიტანის ორგანიზაციას შეუდგება მსგავსად თფილისის და სხვა დიდრონ ქალაქების ამ საჭირო საქმის მოგვარებისა, როგორც ამას თფილისში „რუსკი ვედომოსტების“ მკითხველებს აუწყებეს „КѢ-ВѢДОМОСТЕЮ“ — № 8—ში. ეს კი ყოველი გაზეთის გავრცელებას დიდად ხელს შეუწყობს თუ კი იგი წესიერათ დაყენდა და არა ისე, როგორც მას პროვინციულ ქალაქებში რედაქციები აწარმოებენ და გაზეთებს სანახევროთ, სამესამედოთ არ აღირსებენ, რისთვისაც ხელის მომწერლებისგან დაუსრულებელი საყვედურები გაისმის ყველა რედაქციებში. და, მართლაც სასაყვედურო ბევრი აქვთ ხელის მომწერლებს, რომლებიც გაზეთებს დამტარებლებში ხშირათ ყიდიან, ტოვებენ რა კლიენტებს უგაზეთოთ. ამის მაგ. ყველა ქალაქებში მრავლისაგან უმრავლესს უმბეღლებით, ხოლო თფილისელ ახალ გაზეთ „კავ. სლოვო“ — ს ეს საერთო სენი ბეჭდვითი სიტყვის გავრცელებისა ამ თავიდავანე დაჩემებია და იგი პირველ ხიფათისთანავე აფთხილებს (№ 8-ში) თავის ხელის მომწერლებს, რომ დღეიდან ამ საქმეს უკეთ მოვაწყობთ. მოწყობა და წესიერათ ამ საქმის წარმოება კი შესაძლებელი იქნება თუ მის სათავეში ამ საგანმანათლებლო საქმეს შესაფერი პირები ეყარება.

ეს საქმე განმათავისუფლებელ მოძრაობის დროს გვარიან კარგათ მქონდა დაყენებული იმ დროს მომქმედ საგაზეთო კანტორა „კოლხი-დაში“, საიდანაც დამტარებლების საშვლებით ურიგდებოდა მაშინდელი გაზეთ „ცნობის ფურცელი“ ბინებზე და ამის გამო მას 400—500 ხელის მომწერიც ყავდა ქუთაისში. დღეს კი „ცნობის ფურცლის“ მონათესავე თფილისელ გაზეთებს ხელის მომწერლები ჩამოაცალეს ქუთათურმა ამ გვარივე გაზეთებმა, რომლებსაც ბინებზე ურიგებენ რედაქციები.

ასეთი მდგომარეობა იყო დღემდე გაზეთების გავრცელების საქმეში, ხოლო მომავალში შესაძლებელია ამ საქმის უკეთ მოგვარება, მისი საუმჯობესო ორგანიზაცია. ამიტომ, თუ კი ქუთაისის გაზეთების მკითხველი საზოგადოების მომეჩებული ნაწილი განაცხადებს სურვილს რომ ადგილობრივი და სატახტო გაზეთები მათ

ბინებზე ურიგდებოდა იმავე დღეს, როცა შათ კანტორა იღებს გასაყიდლო — მაშინ იგი („იმერეთი“ — ს გამგე) ენერგიულათ შეუდგება, ამ საქმის მოწყობას, მის ახალნაირ ორგანიზაციას. ამნაირათ, სხვათა შორის, ამ გზითაც რამოდენიმეთ მაინც წესიერება დამყარდება და შემდეგ ბეჭდითი სიტყვის გავრცელების საქმეს ნელნელა ჩამოშორდება მხოლოთ კაპიულების მოგებით დაინტერესებული, ამ წმიდა, კულტურულ საქმისათვის შეუფერებელი პიონერები, როგორებიც მას ნამეტურ ამ ბოლო დროს ავტორლიაღენ ქუთაისში და სხვაგან. ამით ქუჩურ მოტყუებას, გაცილებით ზედმეტათ ყურნალ — გაზეთების ყიდვას, თვითურ ანგარიშების შეცილებას, ქუჩებში უზღველ ტუტუტურ მოპყრობას და საერთოთ უწესრიგობას არა თუ საზღვარი ეძლევა, იგი თანისთან ვითარდება, ვრცელდება. ამრიგით მათგან მკითხველ საზოგადოებას თავი აქვს მობეზრებული, და მათზე განუწყვეტელი საყვედურები გაისმის ქუჩებსა, კანტორებსა და რედაქციებში.

ამნაირათ დღეიდან მაინც თუ მკითხველი საზოგადოება დაგვეხმარება და ამ საქმით იმდენათ

მაინც დაინტერესდება, რამდენათაც ყოველ დღს ახალი გაზეთის შექმნათა დაინტერესებული და მას ესწრაფვის, — ჩვენც კაიხნის განზრახულ მის მოწესრიგება — მოგვარებაზე ჩვენ შრომასა და გამაცდილებას არ დავზოგავთ და ვინძლო ბეჭდითი სიტყვის გავრცელების საქმეს ყამირი ნიადაგი გამოამუშავდეს, და მათე მკვიდრი საფუძველი ამოვიყვანოთ, რომ შემდეგ ამაზე შენობაც შესაფერისი აშენდეს მომავალში, რათა მწიგნობრობას, საგანმანათლებლო, კულტურულ საქმეს პონერები, თანამგზავრებიც შესაფერისნი აღმოუჩინდენ.

აი მიზანი ინტელიგენტურათ და არა მარტო ვაჭრულათ ამ საქმის მოწყობა წარმოებისა და აკეთკენ უნდა მიიშაროს ამ დარგში მომუშავე ინტელიგენტური ძალები ჩვენი ახალგაზღობისა, რომლის უმრავლესობას სადღეისო პროგრამა თავის ქვეყანაში მის სასარგებლოთ მოქედებისა ასე ვერ შეუგნია და გაუგნია.

ისილორე კვიციანიძე.
(გაგძელება იქნება).

გ ე ღ ი ს წ ი რ ა

ყვავილები არ ყვავიან აღელვებულ ზღვაში,
ისმის მარტო ზღვის სიმღერა და ტალღების ტაში.

უდაბნოში არ იზრდება მიმოზები წყნარი —
სიცხე დგას და ცხელ ქვიშაში ღმუის მძაფრი ქარი.

სადაც სუფევს დემონების ძალა ერთათ — ერთი,
იცოდე, რომ იქ არასდროს არ არსებობს ღმერთი.

ზღვას, უდაბნოს და დემონებს ჩემი ბედისწერა,
შეჩვევია და სიმღერა მხოლოთ მათთან მჯგერა!

გ. ტაბიძე

ეს ლექსი უნდა მოთავსებულიყო მეოთხე გვერდზე, მაგრამ შეცთომით ამ გვერდზე დაისტამბა.
რედაქცია.

ახლო აღმოსავლეთი

(გაგრძელება)

1225 წელს თურქების ურდო, რიცხვით 50000 სული, რომლებმაც იგრძნო, რომ მის თავზე, როგორც ქარიშხალი გრივადივით გადაიარდა მონგოლთა საშინელი რისხვა, ცხვრის ფარასავით დაფრთხა, მოგჯა ხორასნის საძოვარ მდიდარ დავალებულ მიდვრებს, რომელიც ამ თურქების წინაპრებს ძალით წაერთმიათ აღმოსავლეთის სპარსელებისთვის, დაადგა გზას დასავლეთისკენ და მიაშურა სომხეთის მთებს. აქ, ამ ადგილებში უკეთესი ბედს მძებარმა ამ ცხანოსანმა მეომარმა შეჯოგე აღხმა გამონახა თვისი ეროვნების მოძმეებო-თურქები-სულჯუეები, რომელნიც, როგორც მოგახსენეთ, მთელი საუკუნოებით დაუშლებოდნენ მთელ მცირე აზიას. მარა წინანდელი ენერგია, მამაცობა ამ სულჯუეებისა ძალიან შესუსტებულიყო, დაცემულიყო. ხორასნის თურქებს-კი ძვალ-რბილში გამჯდარი ქონდათ იმ თავითვე სისხლის ღვრის, საშინელი ბრძოლის წყურვილები და მზათ იყვენ ყოველთვის ურიცხვი განსაცდელის და გაკვირებისთვის თავი მიეცათ. ისინი შეუკავშირდნენ მცირე აზიაში სულჯუეების სულთანს კონის და ერთოგულის უფროსობის და ბატონობის ქვეშ მყოფებმა მიიღეს ფრიგიის ჩრდილო-დასავლეთის მხარეზე მდებარე მიწა წყალი, რომოზიზანტის იმპერატორის მეომრებისგან დაეცვათ ქვეყანა. აი აქ ასტყდა დიდი და საშინელი გამწარებელი, დაუსრულებელი ბრძოლა, სისხლის ღვრა ამ აყრილ მეომარ ურდოს და მწყნარ მიწის მუშა ხალხს შორის, დაიწყო წმინდა, ღვთისგან ნაკურთხი ომი მამადიანთა და მათ მოძულე ქრისტიანთა შორის. ყოველს ლაშქრობაში ეს ძლიერი მეომარი, მეტათ მამაცი და გაუტყებელი თურქები უდიადესი აფთოვანებით და ენტუზიაზმით იბრძოდნენ და ბიზანტიის დაქირავებულ მეომრებს საშინლათ ამარცხებდნენ. თურქთა ბძანებელს ერთორგულს დარჩა შვილი, სახელდობრ, ოსმანი, რომლის ძარღვებში ფეთქდა

უფრო ბერწის სისხლი, ვიდრე თურქისა. ოსმანმა ისეთი დიდი სახელი და დიდება დაიმსახურა თვისი ვაშაკობითა და მამაცობით, რომ მას აქეთ იმის ხალხს საქვეყნოთ ამიერიდან „ოსმალები“ დაერქვა...

ეს მოხდა XIII საუკუნეში. ოსმანის შვილი, ორხანი მამაზე ნაკლები ვაშაკი არიყო. მან ბიფინიაში დაიპყრო მდიდარი ბრუსის ქალაქი, სადაც აღაშენა უძლიერესი დიდებულის სასახლე, ასე წოდებული, „უმადლესა პორტისა“. აქედან ეს შორს გამჭვრეტი სულთანი არწივივით თვალს ადევნებდა და სტებებოდა უმდიდრესი, უნაყოფიერესი ზღვის ნაპირებით, რომლის დაპყრობა და ხელში ჩაგდება მას დიდათ ენატრებოდა. 1330 წელს მან დაიპყრო დიდი ისტორიული ნიკეა. ორხანის შვილი სულეიმანი ზღვის ვადაღმა, უკვე ევროპის ნაპირზე გადავიდა და 1356 წელს აიღო დარდანელთან მდებარე გალიპოლი და, აწნაირათ, ჩრდილოეთ-დასავლეთის მხრით სრულიათ ჩაეკტა ბიზანტიის ალყაფის კარები. აი, აქედან შეუდგნენ თურქი-ოსმალების სულთანები კონსტანტინოპოლის აღების დიდს სამზადის, რომელიც გაგრძელდა მთელი ერთი საუკუნე.

თურქთა-ოსმალების სახელი საშინელ შიშის ზარს სცემდა მთელს ქვეყნიერებას და იმით უყურებდნენ და თვლიდნენ კიდევ აღმოსავლეთის დიდი რომის გამანადგურებელ ხალხად თუმცა როგორც ამბობს ნ. ვამბერი*), ამ საშინელ მეომართა ურდოს რიცხვი 2500 სულს არ აღემატებოდა.

თავის დიდი საქმის სიძნელეს ძალიან კარგადაც გძრნობდნენ ოსმალები და დიდი წინდახედულობით და ჭკუით ემზადებოდნენ ომისთვის. ამ დროს არც ერთი არმია არ იყო არსად ასე დარაზმული და გაწყობილი სალაშქროდ ბრძოლისთვის, როგორც ცხენოსანი იანიჩარები და ქვეითი მეომრები ოსმალებისა. ამ დიდი მიზნის გასახორციელებლათ იყო დიდი მარავი,

*) Die primitive cultur des Turco-Tatrischen Volkes“. H. Vambery.

მზადება და გარწოვნა მხედრებისა ახლო-მახლო ქვეყნების მცხოვრებლებისა და ამ მხედრებში ერთენ, რასაკვირველია, ავანტიურისტი — ქრისტიანებიც. ამ უკანასკნელთ ძალიან კარათ ესმოდათ, თუ რა დიდ პრივილეგიებს ანიჭებდნენ სულთანები მუსულმანთა ჯარებში სამსახურისთვის. იმ დროს, რა დროსაც თურქნი ოსმალნი გაჩნდნენ ევროპის მიწა წყალზე, ისინი იმდენათ ერს, მთლიან ხალხს არ წარმოადგენდნენ, რამდენადაც შეუბრალებლათ სისქლის მღვრელ მეომართა ერთს დიდ კასტას.

გალობლის დაპყრობის შემდეგ, რამდენიმე წელიწადი რომ გავიდა, მურად 1 ფრანკია აიღო და 1365 წელს მან თვისი რეზიდენცია ედირნეში გაიკეთა, უძველეს გადრიანოპოლისში, ან ახლანდელ ადრიანოპოლში ამნაირათ, მან ყოველი მხრიდან გზები შეკრა და კონსტანტინოპოლი სრულიათ მოსწყვიტა ევროპის ხმელეთს. აღმოსავლეთის უმდიდრესმა, უშესანიშნავესმა იმპერიამ სულერთიანა დაჰკარგა თვისი დამოუკიდებელი არსებობის საფუძველი და მისი დიდი ვაჭრობა, დიდი აღებ-მიცემობა და დოვლათი სრულიად ჩანგლდა და მოისპო.

ბალკანეთის არე-მარეზე გაშენებულ სლავიანთა სახელ-მწიფოებმა, რომელნიც ბიზანტიას ხშირათ ეომებოდნენ, უცბათ დაკარგეს დამოუკიდებლობა, ასე წოდებულ, „შაშეთა მიდორზე“ დიდს ბრძოლაში 1389 წელს. სერბიის მეფეს ლაზარეს და მრავალს კეთილშობილ თავად-აზნაურობას ოსმალების ბრძანებლის თვალის წინ მის ქაზში მოსჭრეს თავები. მეთოთხმეტე საუკუნის შუა რიცხვებში უდიდეს პოლიტიკურს ძლიერებას მიღწეული სტეფანე ღუშანის მეფობის დროს სერბია, ერთის მხრით, საბერძნეთს ესაზღვრებოდა, მეორეს მხრით, დიდ ბულგარეთს. მარა ამ ისტორიულ დამარცხების შემდეგ, ეს სახელმწიფო მთელი ზუიი საუკუნის განმავლობაში სრულიათ მოისპო და გაქრა იმისი ხსენებელი ისტორიაში. კოსოვოს მიღვრებზე სერბიის საბედისწეროთ დაღვრილი სისხლი იმ საზარელ ომში, სადაც დატრიალდა ამ ერის საშინელი, უღიადესი უბედურება, საუკუნოთ აღიბეჭდა სამხრეთის ქვეყნების სლავიანთა მცხსიერებაში.

ამ ისტორიულ ომის შემდეგ, მურად 1 სრულიათ ვაბატონდა ბალკანეთის ნახევარკუნძულის მდიდარს არე-მარეზე და დაპყრობილ ქრისტიანებს დაუწყო სახელმწიფო ხარჯების გადახდევინება და სამხედრო ბეგარების მოხდაც. მურად 1 დაიწყო ყოველ დღე და ღამ კონსტანტინოპოლის აღებაზე ფიქრი და ზრუნვა. მთელი ევროპის ხმელეთი ამ უმწარესი ამბავის გაგონების უსაზარლესმა შიშმა აიტანა და მოიცვა. და დაიწყო კიდევ დიდი მზადება ვენგრიის მეფის სიგიზმუნდის მეთაურობით, რომ დიდს და მდიდარს კონსტანტინოპოლს რამე შევლევბოდა და ეხსნათ იგი განსაცდელისგან.

თითონ ევროპის დასაველეთის ქრისტიანობა თავზარდამცემმა შიშმა ისე გასტეხა წელში, რომ გული ჩაუკლა, სული სიცოცხლისა გაკმიდა, მიუყრდა, თითქოს მოკვდა და კონსტანტინოპოლის ბედი მას არც კი აწუხებსო. ევროპის აღმოსავლეთის ქრისტიანობასკი მარტო თვისი საკუთარი ძაღლით არ შეეძლო შეეკავებია ოსმალთა ძლიევამოსილი ლაშქრობა და ვენგერლების მდ. ღუნაიაზე ნიკოპოლთან დიდის დამარცხებით 1396 წ. მთელი ბიზანტიის დიდი იმპერია თურქებს — ოსმალებს ჩაუყარდა ხელში. მარა ამ დროს სწორეთ მონგოლების საშინელოთა თემურლენგმა, მიიპყრო მურად 2 მთელი ყურათღება. მურად 1 დიდის, გასარკარის სასწრაფით თავი მოუყარა და შეკრიბა მთელ თვის უძლიერესი მხედრობა და შესანიშნავს ისტორიულს მეომარე შეხვდა ანგორის მიღვრებზე 1403 წელს, მაგრამ იგი აქ საშინლად დამარცხდა და ტყვეობაში დალია სული.

ამას შემდეგ კაი ხანი გავიდა, კარგა დიდი დრო, სანამ ოსმალეთის იმპერია გაძლიერდებოდა, წელში გამაგრდებოდა, და ძველებურს ძალ-ღონეს კვლავ მოიხვეჭდა. ძალიან დიადი, უსაშინელესი იყო ის რისხვა, რომელიც მინგოლებმა თავს დასცეს ოსმალებს 1422 წელს მურად 2 ხელ-ახლა დაიწყო დიდი მზადება და მაგარი კონსტანტინოპოლის ასაღებათ და გასანადგურებლათ. მაგრამ ეს დიდი საქმე

ვერც იმან დაასრულა, რადგან აღბანელებმა, სერბებმა, ბულგარებმა და მდ. დუნაის ნაპირებზე მოსახლე ვენგერებმა დიდი წინააღმდეგობა, მტრობა გაუწიეს მას იმპერიის დასავლეთის და ჩრდილოეთის საზღვრებზე. ბოლოს, აჯანყებული ერები მურად 2 საშინლათ დაამარცხა 1448 წელს კოსოვოს მიდვრებზედა ამიერიდან სოფლიო ქალაქის — კონსტანტინეპოლის ფერფლათ ქცევის დღეებიც დაითვალა. 1453 წელს დადგა ის საბედისწერო ჟამიც, როცა სულთანმა მაჰომედმა ნაცრათ და ფერფლათ აქცია ქვეყნიერების თვალი, ძველი უმდიდრესი ქალაქი, რომელიც მთელი ევროპის ცივილიზაციის კერიათ სამართლიანათ ითვლებოდა და ბიზანტიის უკანასკნელი იმპერატორი, კონსტანტინე პალეოლოგი, რომლის მხედრობა საარაქო გამირობით, გესაოკარის სიპამაკით ებრძოდა გამძვინვარებულს მტერს, ტრაგიკულათ დაიღუპა დიდი ქალაქას ნანგრევთა შორის. უღიადესი ნამოქმედარი მთელი ქვეყნიერობის მართლმადიდებელ ქრისტიანობისა — იასოფის ტაძარი, სასს ღღეს მტრებისგან საჯინიბოთ ქცეული მეჩეთათ გადააკეთეს და ამიერიდან ოსმალები საუკუნოთ მაგრაათ დამკვიდრდენ ბისფორის უტურფეს, თვალის მოშნიბლელ არემარეზე. თუ ყურათღებას არ მივაქცევთ ყველა იმ დიდ ცვლილებას, რომელიც მოხდა დინასტაებს, ენისმეტყველებას რელიგიებისადა ეროვნებათა შორისო, ამბობს ჰენიოსი გეოგრაფოსი ელიზე რეკლიუ, ჩვენ შეგვიძლია პირდაპირ ვთქვათ, რომ ეს უშველებელი ამბავი იყო მთელი აზიის შურის ძიება, სამაგიეროს აღექსანდრე დიდის მაკედონელის ლაშქრების გადახდა აღექსანდრე მაკედონელმა გადმოიარა ევროპა, გადმოვიდა აზიაში, დაიპყრო მცირე აზია, სირია, სომხეთი, საქართველო, სპარსეთის იმპერია და ინდოეთი და, აი, ამისი სამაგიეროს გადახდა იყო ეს დიდი, გასაოცარი ამბავიო“

მაჰმად 2 დაიპყრო, რა თქმა უნდა, ყველა ის ქვეყნება, რომელიც კონსტანტინეპოლს გარს ერტყა და შექნა სრულიათ ახალი რეჟიმი. ოსმალეთის იანიჩრები და ყაჩაღები,

და მთერაღნი ასეთი ძღვევა-მოხილებით და საარაქო ნადავლობით, გაგიჟებით მოედვენ მთელი ხმელთა შუა ზღვის უმდიდრეს არემარეს, ევროპის ჩრდილოეთის ზღვებსაცკი ასწედენ, ლამანშა და ინგლისის საზღვრებზე, ყოველგან თარეშობდენ თავისუფლად მამადის მორწმუნე ყაჩაღები.

ბიზანტიელებსა და ქარველებს კიდევ შეჩინოვდათ ტრაპიზონის იმპერია, რომელიც დაარსა ჩვენმა დიდმა მეფეთა-მეფემ თამარმა მაგრამ 1461 წელს ეს უკანასკნელი მტკიცე ბურჯი და ციხე აზიისაც აღებულ იქნა. საქართველოსაც მოგლიჯეს მთელი ნახევარი ქვეყანა — ერუშეთი, ლივანა, შავშეთი, ქობულეთი. აქარა, მთელი ლაზისტანი, სამცხე-საათაბაგო და შავი ზღვის აღმოსავლეთის მდიდარი ნაპირები — ბათომი, ფოთი და სოხუმი სულგითაინა ხელში ჩაიგდეს. ქუთაისსაც ბევრი მწარე დღეები უნახავს ოსმალებისგან და ამ ორასი წლის წინათ იმათ აიღეს ქუთაისის შესანაშნავი ციხე, რომელსაც ფეხები მდ. რიონში ქონდა ჩადგმული, დასწვეს და დაანგრეს აია სოფის ტაძარივით ბაგრატის დიდებული ტაძარი და, რომ სოლომონ პირველის დიდის ვაშაკობა არ მოვლენოდა ჩვენს ქვეჩანას, ახლაც იმათ ხელში ვიქნებოდით ჩვენც, იმერლები გამამადიანებულნი...

ამ ნაირათ, გაძლიერდა ეს საოცარი ერი, ისტორიული თურქი-ოსმალო ევროპის აღმოსავლეთისკენ და აზიაში და იქ მცხოვრებელი ქრისტიანები შეკრა და ამიერიდან გახდა უბრალო „რაიებათ“, რომელნიც ქრისტიანთა სისხლის მსმელ მეომარ მუსულმანთა სულ უბრალო სიანჩხლის, კაპრიზების სურვილების და გულისთქმის სხვერპლნი უნდა გამხდარიყვენ. ოსმალებმა ძველი ბერძნული სიტყვების სახსენებელიც კი მოსპეს და ბარბაროსული სახელი უწოდეს კონსტანტინეპოლს, მაგალითათ, *Eis ely polis* გადააქციეს „ისტამბულათ“, და ნახევარი მთვარე არტემიდისა შეიქნა სიმბოლო ნაკურთხი, წმიდა ომისა მამადიანთა სიძღლვილის საქრისტიანო რომის „ჯვარისა“...

ამ დროს განმავლობაში დაშლილი, დაგლეჯილი გერმანიის იმპერიის ერთი დიდი, თვალსაჩინო ნაწილი — ავსტრია უშველებელ განსაცდელში იყო ჩავარდნილი და კინაღამ სრულიათ დაკარგა დამოუკიდებლობა ოსმა-

ლეთთან მუღმის გამწარებულს ბრძოლაში. მარა თვით ოსმალეთიც მთელი ერთი საუკუნის განმავლობაში ვერ იყო კარგათ მოლონიერებული, ფრთა შესხმული ძლიერათ, რადგან ხმელთა შუაზღვაზე შიშის ზარს სცემდა ყველას სულიემან დიდის ფლოტი, რომელიც არსაითკენ გასაქან გზას არ აძლევდა ოსმალეთს. დასავლეთისკენ ოსმალთა მფლობელობის გავრცელებას სრულიათ ბოლო მოუღო 1565 წელს მალტის აუღებლობამ და 1571 წელს ლეპანტოსთან დიდმა დამარცხებამ, ამიერიდან ოსმალეთის ხეანთქარნი მაგრათ შეიკეტენ თავიანთ ძვირფას, მდიდარს სასახლეებში, სადაც ინტრიგა, გაუტანლობა არ გამოლეულა და თავიანთ დაქირავებულ ერთგულ მონებს ანდობდენ ხოლმე დანარჩენი ქვეყნების დამოარჩილებას და დაპყრობას.

ამ დროს გერმანია ოსმალეთზე უფრო გაცილებით დასუსტებული და დაუძლურებული იყო და დიდი ვეზირი კარა-მუსტაფა-ასე წოდებული-„მუსტაფა შავი“ შეიქნა დიდი ბრძანებელი ალბებსა და კარპატებს შორის მდებარე ქვეყნების და ერთი მეორეზე საშინლათ ამარცხებდა ავსტრიის ჯარებს და 1683 წელს პირდაპირ იმპერიის სატანტო ქალაქს ვენის ალყაფის კარებს მიაღდა თავისი მხედრებით...

ვენასთან კარა-მუსტაფა საშინლათ დაამარცხა პოლონეთის ძლიერმა მეფემ იან სობესკიმ *), და აშნაირათ, პოლონეთმა დიდი, ფას დაუღებელი ღვაწლი დასდო ევროპას, რომ იმის არე მარენი საუკუნოთ იხსნა ოსმალთა განადგურებისგან.

მეორეთაც სცადა კაცის სისხლის მსმელმა კარა-მუსტაფამ ვენის აღება და განადგურება. მარა კიდევ საშინლათ დამარცხთა და... ამიერიდან დაიწყო ოსმალთა პირის უკან გამობრუნება და ევროპის დასავლეთის დაპყრობაზე სამუდამოთ ხელის აღებაც... ოსმალთა დამარცხებამ დააკარგვია იმათვე საუკუნოთ ქალაქი ბუდა და დიდი ნაწილ ვენგრისა ქალაქ მოჩოხზე დამარცხებამ. კი (1687 წ.) იმათ სამუდამოთ დაატოვებინა

სლავონია და კრაოცია. ავსტრიელების ჯარებმა იმდენი ქნეს, რომ ბელგრამდის მიაწიეს. ბოლოს, მეჩვიდმეტე საუკუნის გასულს კარლოვიცაში ოსმალებმა და ავსტრიელებმა ზავი შეკრეს და ოსმალებმა ვენგრია და ტრანსილვანია ავსტრიას მისცეს, აზოვი-რუსებს, უკრაინა და პოდოლია — პოლონეთს, პელოპონესი — ენეციელებს. ამ რიგათ, ოსმალთაგან დაკარგული ადგილი სულ არე-მარითა და მოსახლობით მთელ მესამედ ნაწილს შეადგენდა იმისას, რასაც ისინი ფლობდენ თლათ ევროპაში.

შემდეგ წლებშიაც ბევრა სისხლის ღვრა და გამწარებული ომები მოხთა, რომელსაც მოყვა სხვადასხვა შედეგები და 1718 წელს პასაროვიცში შეკრეს ზავი, რომელმაც ავსტრიას მიანიჭა ბატონობა მდინარე დუნაიზე მდებარე ოლქებში, რომელნიც გერმანიის საზღვრებს გარეშე მდებარეობდენ.

ამ რიგათ, მთელი იმპერიის სიმძიმის ცენტრი ამიერიდან გადმოტანილ იქნა დასავლეთიდან აღმოსავლეთისკენ.

გულკეთილი.

(შემდეგი იქნება)

ომის გატინა.

1.

განვიღო ორ კვირაში, დასავლეთ ფრონტებზე, მაინც და მაინც დიდი გამარჯვება არ უძღვნია ბედს რუსებისთვის; მარა, სამაგიეროთ, არც დამარცხება რგებია წილათ. თითქმის მუღმის ბრძოლა მდ. ვისლას ორივე ნაპირებზე დიდ შედეგებს რა გვიტოვებს, მარა, საერთოთ რომ ვადავავლოთ თვალი, ამ უკანასკნელ ორ კვირაში მომხთარ ამბებს, შეგვიძლია ვთქვათ, რომ უფრო რიგიანათ რუსების საქმე მიდის, ვიდრე მტრების.

როგორც მთავარ შტაბის ცნობებიდან ჩანს, მოხთა შემდეგი: მდ. ვისლას მარჯვენა და მარცხენა ნაპირებზე ბეკრჯელ იყო ცოტათ თუ ბევრათ შესანიშნავი არტილერიული შე-

*. იხ., ადამიანი და დედამიწა“, ელიზე ეკლიუსა ტომი IV გვ. 218.

*) იხ. სახელოვანი ადამ. მიცკევიჩის ნაწერებს ამ საგანზე

ტაკეები, მარა უმეტესათ მტრის უკუგდებით ბოლოვდებოდა: 30 დეკემბერს მღ. ვისლას მარცხენა ნაპირზე, სოფ. სუხასთან და ფოლღარ მოგელთან; 31 დეკემბერს, ვისლასე მარცხენა ნაპირზე; ახალწლის ღამეს, ლეტცენის მიდამოებში; 5 იანვარს, სოფ. კონოპკასთან, ვისლას მარცხენა ნაპირზე; სასტიკი დაშენა თოვ ზარბაზნების სოფ. ვიტკოვიცესი; იერიში დობრჯინთან; 7 იანვარს ჩრდილო მიდამოებში და სოფ. ვიტკოვიცესთანვე; რადლოვის სამხრეთით; დასავლეთ გალიციაში და სხვა.—

როგორც იტყობინება მთავარი შტაბი, ამ ორ კვირაში მტერს არც ერთი ღირს შესანიშნავი პოზიცია არ წაუღრამევია რუსებისთვის.—

ამ გვაროვან ავსტრიელების ბედიც: 31 დეკემბერს, ავსტრიის საზღვრებისკენ წარმოებდა არტილერიული სროლა, რომელიც რუსების სასარგებლოთ გათავდა; ამაო იყო ავსტრიელების ცდა კარლიბაბის მიდამოებში თავდასხმის; ფუჭეთ ჩაიარა მათმა თავდასხმამ გალიციაშიც უფგაროდ—სამობრის რკინის გზის სამხრეთ აღმოსავლეთით; უმიზნო დარჩა პინჩოვის სამხრეთ მიდამოებში მათგან სროლაც.

რუსებს ბედი კოტა უფრო უღიჟოდა: ამათ, როგორც ზემოთ არის ნათქვამი, ბევრჯერ უკუაგდეს და ჩააჩუმეს მტრების არტის ლერიული სროლა; აღმოსავლეთით დაიკავეს სოფელელების მთელი რიგი; ამავე დღეს დაიკავეს სერპეცი; ბუკოვინაში დაიჭირეს: ტრანსილვანიის საზღვარზე მდებარე გადასავალი გზა კირლიბაბა, სოფელი იოჰანეშტი, ვერხორტა და სკემბა.

II

მარა, რამდენათ სუსტია შედეგებით დასავლეთის ფრონტებზე ბრძოლა, იმოდენათ ღირს-შესანიშნავია რუსის ჯარის მოქმედება კავკასიის საზღვრებზე. ოღთისის მიდამოებში დამარცხეს მთელა რიგი ოსმალოს არიერგარღებისა, ხელთ იპყრეს არტილერიის ერთი ნაწილი და მრავალი ტყვე.

ყარაურგანის მიდამოებში 29 დეკემბრიდან დაწყებული ბრძოლა თანდათან აძლიერდა რუსებს გამარჯვებას; ამ მიდამოებში დატყვევეს ოთხმოცდა მეთორმეტე ოსმალეთის პოლკი, თერთმეტი აფიცრით, სამი მკურნალით და 1500 ჯარის კაცი; მოსპვეს ოსმალოს ორმოცდა მეთერთმეტე პოლკის ბატალიონი; 30

დეკემბერს დაატყვევეს 53—ტე ოსმალეთის პოლკი, ხელთ იგდეს მთის ზარბაზნები, სურსათი და სამკურნალო 600 დაჭრილებით; ორ იანვარს რუსებს ხელთ ჩაუვარდა 1000 მეტი ტყვე და მრავალი იარაღი. 4 იანვარს ყარაურგანის ბრძოლა დაბოლოვდა რუსების სრული გამარჯვებით. ოსმალოს დამფთხალი, დამარცხებული არმია გაიქცა აზრუმისკენ.

არც ჭიროხისკენ არის ცუდათ საქმე: ნელნელა, მარა საიმედოთ ერეკებიან მტერს ჭიროხიდან.

6 იანვარს ახალიკის, ლიფსორისა და კაიჰანის მიდამოებში რუსებმა დაამარცხეს ოსმალოს მოწინავე რაზმები, დაატყვევეს ბევრი და ხელთ იგდეს მტრის ბანაკი; რუსებმა აიღეს არდანური.

III

22 დეკემბერს შავი ზღვის ფლოტმა, ტურვის დროს სინაპოთან თვლი ჰოკრა ოსმალეთის გემს „მეჯიდის“. მას გამოედევნა ერთი რუსის კრესიერი რამდენიმე ნაღმოსანიო; დაეწია, აუტეხა სროლა და ძალზე დაზიანა. მარა ხელთ ვერ იგდო; უკანასკნელმა მოასწრო გაქცევა. რუსის ფლოტმა დაძირა ტრაპიზონში მიმავალი, ნავთით დატვირთული კონსტანტინოპოლის გემი „მარიამ ტერეზია“; 24 დეკემბერს რუსის ფლოტს მოუხნა შეტაკება „ბრესლაუსა“ და „გამიდიესთან“. სურმენეს და რიზის დათვალიერების დროს, რუსის ფლოტმა დაღუპა 51-დე მტრის ხომალდი; სურმენეს სადგურში ოსმალოს ქვეითა ჯარმა რუსის ფლოტს სროლა აუტეხა, მარა უკანასკნელიდან ნასროლმა ყუმბარებმა გაფანტა მტერი. რუსებმა დაუშინეს ყუმბარები ხოპას, რის გამო ბევრს ადგილს ცუცხლი გაჩდა. ამ ბრძოლაში რუსებმა დაკარგეს ერთი ლეიტენანტი და ერთი მიჩმანი.

შურნალ-გაზეთების ტაციოზის მაგალითები შუთაისსა და თფილისში.

ერთ თვეზე მეტია რაც ქუთაისში ყურნალ-გაზეთების გასავრცელებლათ არსებული კანტორა „იმერეთი“ ძველებურათ პირდაპირ არ ღებულობს არც რედაქციიდან და არც მის რწმუნებელ გაზეთის გამვრცელებლისაგან („განთიადი“-საგან) ღღეს თფილისში გამოშვალ „ახალ აზრს“. ამ გაზეთს კან-

ტორა თეთრი ხიდის ყურში მეოთხე გამ-
 ყიდველის ხელში გამოსულს ყიდულობს ნაღდ
 ფულზე და ისე აკმაყოფილებს ამ გაზეთზე
 თავის ხელის მომწერლებს და რამოდენიმეთ
 ხელზე მყიდველებსაც.

დღეს არ ვიცით რა მოსაზრებით კან-
 ტორა „იმერეთი“-სათვის ხელიდან გამოუტა-
 ცნიათ თფილისელი კიდე სამი ქართული პე-
 რიოდული გამოცემა (რომლებსაც კანტორა
 გულსმოდგინეთ ბლომათ ავრცელებდა ქუ-
 თაისში) და მის გვერდში, სწორეთ ათი
 ლაჯის მანძილზე ვინმე ვაქარ მესათის
 მალაზიაში დიდის ტრიუმფით და დემონ-
 სტრაციით ყიდია. დღევანდელი გატაცე-
 ბული გამოცემებია: საკვირაო ჟურნალი: 1.
 „თეატრი და ხელოვნება“, საორშაფათო
 გაზეთები ძველი 2. „თემი“ და ახალი 3.
 „შადრევანი“.

ქუთაისის მკითხველი საზოგადოება კი-
 თხვითი ნიშნათაა გადაქცეული კანტორა
 „იმერეთი“-ს უკანასკნელი თავგადასავლის
 გაზეთების და ფულების ტაციობის გა-
 მო, როგორც თვით ამ ზნებორივ, ფიზიკურ
 და ნივთიერ სასჯელს ამ ათი წლის განმავ-
 ლობაში განაცადი კანტორის გამგე ისიდორე
 კვიციანიძე ვეცნობს ქუთაისის მკითხველ სა-
 ზოგადოებისადმი მიმართულ წერილ „ქარ-
 თული მწიგნობრობის ისტორიიდან“-ში
 (გაზეთ „იმერეთი“-ს მე-11-№ 8, 9, 10, და
 11-შია). ხოლო ამ მწარე და სასტიკ თავ-
 გადასავალს „იმერეთი“-ს მე-11-№-შივე (ახალ
 ამბებში) აი როგორ ცნობას ვკითხულობთ
 გაზეთების ტაციობის გამო. მოგვყავს იგი
 სიტყვა-სიტყვით:

„ჟურნალ-გაზეთების კანტორა „იმერე-
 თ“-ს კვირას არ მიუღია ვასაყიდათ თფილი-
 სელი ქართული გამოცემები ყოველკვირეული
 ჟურნალი „თეატრი და ხელოვნება“ და ორ-
 შაბათს, საორშაფათო გაზეთი „შადრევანი“
 და „თემი“. ამის გამო „იმერეთის“ განგემ
 ხსენებულ რედაქციებს შემდეგი დეპეშით
 აცნობა ეს გარემოება:

„თფილისი. რედაქცია „შადრევანს“
 კობიო „თემს“. კანტორა „განთიადის“
 გაზეთების აგენტმა უარი გამიცხადა დაეფო

ვასაყიდათ „შადრევანი“ 250 ცალი და
 „თემი“ 150 ცალი. კანტორა „იმერეთი“
 მეტათ უხერხულ მდგომარეობაშია თა-
 ვის კლიენტების წინაშე. მოახდინეთ შესა-
 ვიროსი განკარგულება. მიპასუხეთ. კვიცა-
 რიძე“.

კანტორა „იმერეთი“ ხსენებულ გაზე-
 თებს ქუჩაში ყიდულობს და ისე აკმაყოფი-
 ლებს ქალაქის და სოფლის სამკითხველოებს,
 რომლებიც მას ხელისმომწერლებათ ყავს.
 კანტორის გამგე ელის პასუხს თფილისის რე-
 დაქციებიდან, რომლებმაც იმერეთში კარგათ
 ცნობილ სავაზეთე კანტორა, „იმერეთს“ არ
 ვიცით რა მოსაზრებით მოუსპეს თფილისის
 ქართული ჟურნალ-გაზეთებსა გზავნა“!

„განთიადი“-ს რედაქცია საჭიროთ
 თვლის დღეს პრესაში ასე აშკარათ წამოყენე-
 ბული ბეჭვდითი სიტყვის, მწიგნობრო-
 ბის გავრცელების მოუწესრიგებლობის
 საკითხი ჯერ ცხოვრებაში, შინაობაში
 გაირკვეს, ხოლო მერე ყოველივე მისი ავი
 და კარგი პრესისავე საშვალებით გაზეთების
 ქართველ მკითხველ საზოგადოებას ეუწყოს,
 რათა საკითხი ნათლათ გაშუქდეს, ამ საგან-
 მანათლებლო საქმეში კულტურული წესრიგი
 დამყარდეს და პრაქტიკულ საქმიანობით იდე-
 იურათ მომზადილ და იმგვართვე დაინტერე-
 სებულ ახალგაზღვებს მიერჩოდესთ სული და
 გული მახედ.

ამიტომ აქ, ან თფილისში (სადაც საამისო
 პირობები მოსახერხებელი იქნება და ამ საქ-
 მემ თავი წამოყოს), აირჩეს ბეჭვდითი სიტ-
 ყვასთან დაახლოვებული და მწერლობის შე-
 გნებულათ, გულწრფელით გულშემატკივარი
 და მახედ საქმით მზრუნველი პირებისაგან
 შემდგარი კომისია და მიენდოს მას ბეჭვდითი
 სიტყვის გარცელების მოუწესრიგებლობის
 საქმე და ქუთათურ „იმერეთი“-ს ივენტურის
 კონფლიკტ ითფილისელ კონტრაგენტებთან
 დაწვრილებით გამოირკვევა...

რედაქციას ეს მწიგნობრობისათვის სა-
 დღეისო საკითხათ მიიჩნია და საჭიროთ
 თვლის მის პრესაში გამოტანას და გა-
 რკვევას...

რედაქტორ-გამომცემელი ს. მქედლიძე.

საპოლიტიკო, სალიტერატურო და სამეცნიერო გაზეთი

წელიწადი
მეორე.

შ რ მ ე ა

წელიწადი
მეორე.

1915 წლის პირველ იანვრიდან გამოდის ყოველ დღე.

წლიური ხელის მომწერლები პრემიით მიიღებენ ბიკტორ ჩერნოვის წიგნს ფილოსოფიური სოციოლოგიური ეტიუდები. (ქართულ ენაზე 300 გვ.) არა ხელის მომწერლებისთვის წიგნი ეღირება 2 მან. ფულის გადახდა წლიურ ხელის მომწერლებს შეუძლიათ ნაწილ-ნაწილათ: ხელის მოწერისას 3 მან. 1 აპრილს 2 მან. 1 ივნისს 2 მან.

ბაზეთი ღირს: 1 წლით 7 მან., ნახევარი წლით 4 მან., 3 თვით 2 მან.—40 კ. ერთი თვით 80 კ.
მისამართი: ქუთაისი. „შრომის“ რედაქცია სახ. მკურნალი მ. ლორთქიფანიძისა. ფოსტით: Кутаись, газ. „Шрома“ почт. ящ. № 47.

ჯ ე ჯ ი ლ ი

საქმაწვილო ნახატებიანი ჟურნალი

ოცდა მეექვსე წელიწადი.

ჯეჯილი დაარსებულია 1890 წელს.

გამოვა 1915 წ. თვეში ერთხელ, ჟურნალში ორი განყოფილებაა; პატარებისთვის და მოზრდილთათვის. ჟურნალი „ჯეჯილი“ თფილისში ეღირება 4 მან., ქალაქ გარეთ (გაგზავნით) 5 მან.

ნახევარი წლით 3 მან., ცალკე ნუმერი 40 კაპ.

ხელის მოწერა მიიღება: თბილისში— „ჯეჯილის“ რედაქციაში, (არტილერის ქუჩა, № 5)

ფოსტის ადრები: Вь тифлись. вь Ред. Грузинскаго дѣтскаго журнала „Джеджили“-

რედ.—გამომცემელი ან. თუმანიშვილი წერეთლისა.

სამეცნიერო-ხედავო-გოგონი და სალიტერატურო ჟურნალი

„განათლება“

მიიღება ხელის მოწერა 1915 წლისათვის.

(წელიწადი შერვე).

1915 წელში ჟურნალი „განათლება“ ჩვეულებრივ გამოვა ყოველ-თვის შუა რიცხვებში გარდა ზაფხულის ორის თვისა. ჟურნალში იბეჭ-დება წერილები, როგორც სწავლა-აღზრდის შესახებ, აგრეთვე მეც-ნიერების სხვა და სხვა დარგიდან და სიტყვა-კაზმულ მწერლობიდან აქვს თვითური ჟურნალის ყველა განყოფილება, გამოვა ჩვეულებრივზე უკეთ დასურათებული. ჟურნალში მონაწილეობას იღებენ ყველა ჩვენი საუკეთესო მეცნიერები, მწერლები, ხედავოები და პოეტები.

წლიური ფასი ჟურნალისა არის **რუსი მანეთი** (4 მან). მხოლოდ სოფლის მასწავლებლებს და სასოფლო სამკითხველოებს ჟურნალი დაეთმობთ წლიურად **სამ მანეთად**, საზღვარ გარეთ 6 მან. 1915 წლის წლიური ხელის მომწერლები მიიღებენ საჩუქრად: „მრავალჟამიერ“ მუ-სიკა ანდრია ყარაშვილისა, მამაკაცთა და ქალვაჟთა გუნდისათვის. **პეტალოცის, ჰერბერტ სპენსერის, რუსსოს და კომენსკის სურათებს**, რომელთა მაგიერ 1914 წელს ხელის მომწერლებმა მიიღეს ალბომი ი. გედევანიშვილის პიესის „სინათლის“ და „პატარა მურია“ სიტყვები აკაკისა, ნოტებზე დალაგებული ანდრია ყარაშვი-ლის მიერ.

ჟურნალში არის ცალკე განყოფილება, სადაც იბეჭდება ყოველ-გვარი ცნობები ქ. შ. წერა-კითხვის გამავრცელებელი საზოგადოებისა და მისი განყოფილებათა მოქმედების შესახებ.

ხელის მოწერა მიიღება **ტფილისში** ქართული გიმნაზიაში, „ნაკადულის“ რე-დაქციაში, წერა-კითხვის საზოგადოების წიგნის მაღაზიაში **ივანე ავალიშვილთან** და წიგნის მაღაზია „Новая пчѣль“ **კიკნაძესთან**, **ქუთაისში** ისიდორე კვიციანიძესთან, **ბათუმში** ტრ. ინასარიძესთან და წიგნის მაღაზია „განათლებაში“ **სამტრედიაში** წ.-კ-საზოგადოების კიოსკოში **მ. კობალეიშვილთან**, ამ სამ ადგილას იყიდება ცალკე ნომრებიც, თითო 40 კ. სხვა ადგილებში უნდა მიმართონ პირდაპირ აგენტს.

რედაქცია სთხოვს ხელის მომწერლებს დროზე დააკეთონ ჟურნალი.

რედაქცია ყოველგვარ ღონისძიებას სმარობს ჟურნალის თანდათან განსაუმჯობესებლათ.

მისამართი: Тифлисъ, Дворянская Гимназія Л. Г. Боцвадзе

რედაქტორ-გამომცემელი **ლ. გ. ბოცვაძე**.